



Informazioni su questo libro

Si tratta della copia digitale di un libro che per generazioni è stato conservata negli scaffali di una biblioteca prima di essere digitalizzato da Google nell'ambito del progetto volto a rendere disponibili online i libri di tutto il mondo.

Ha sopravvissuto abbastanza per non essere più protetto dai diritti di copyright e diventare di pubblico dominio. Un libro di pubblico dominio è un libro che non è mai stato protetto dal copyright o i cui termini legali di copyright sono scaduti. La classificazione di un libro come di pubblico dominio può variare da paese a paese. I libri di pubblico dominio sono l'anello di congiunzione con il passato, rappresentano un patrimonio storico, culturale e di conoscenza spesso difficile da scoprire.

Commenti, note e altre annotazioni a margine presenti nel volume originale compariranno in questo file, come testimonianza del lungo viaggio percorso dal libro, dall'editore originale alla biblioteca, per giungere fino a te.

Linee guide per l'utilizzo

Google è orgoglioso di essere il partner delle biblioteche per digitalizzare i materiali di pubblico dominio e renderli universalmente disponibili. I libri di pubblico dominio appartengono al pubblico e noi ne siamo solamente i custodi. Tuttavia questo lavoro è oneroso, pertanto, per poter continuare ad offrire questo servizio abbiamo preso alcune iniziative per impedire l'utilizzo illecito da parte di soggetti commerciali, compresa l'imposizione di restrizioni sull'invio di query automatizzate.

Inoltre ti chiediamo di:

- + *Non fare un uso commerciale di questi file* Abbiamo concepito Google Ricerca Libri per l'uso da parte dei singoli utenti privati e ti chiediamo di utilizzare questi file per uso personale e non a fini commerciali.
- + *Non inviare query automatizzate* Non inviare a Google query automatizzate di alcun tipo. Se stai effettuando delle ricerche nel campo della traduzione automatica, del riconoscimento ottico dei caratteri (OCR) o in altri campi dove necessiti di utilizzare grandi quantità di testo, ti invitiamo a contattarci. Incoraggiamo l'uso dei materiali di pubblico dominio per questi scopi e potremmo esserti di aiuto.
- + *Conserva la filigrana* La "filigrana" (watermark) di Google che compare in ciascun file è essenziale per informare gli utenti su questo progetto e aiutarli a trovare materiali aggiuntivi tramite Google Ricerca Libri. Non rimuoverla.
- + *Fanne un uso legale* Indipendentemente dall'utilizzo che ne farai, ricordati che è tua responsabilità accertarti di farne un uso legale. Non dare per scontato che, poiché un libro è di pubblico dominio per gli utenti degli Stati Uniti, sia di pubblico dominio anche per gli utenti di altri paesi. I criteri che stabiliscono se un libro è protetto da copyright variano da Paese a Paese e non possiamo offrire indicazioni se un determinato uso del libro è consentito. Non dare per scontato che poiché un libro compare in Google Ricerca Libri ciò significhi che può essere utilizzato in qualsiasi modo e in qualsiasi Paese del mondo. Le sanzioni per le violazioni del copyright possono essere molto severe.

Informazioni su Google Ricerca Libri

La missione di Google è organizzare le informazioni a livello mondiale e renderle universalmente accessibili e fruibili. Google Ricerca Libri aiuta i lettori a scoprire i libri di tutto il mondo e consente ad autori ed editori di raggiungere un pubblico più ampio. Puoi effettuare una ricerca sul Web nell'intero testo di questo libro da <http://books.google.com>

*38. E. 131.

KAIS. KÖN. HOF-



BIBLIOTHEK

77.240 B

ALT-

73.

POESIE
EDITE ED INEDITE
DE
LODOVICO D.^R PASTO'
VENEZIAN

SCRITTE NEL SO NATURAL DIALETTO.



VENEZIA
COI TIPI DI GIUSEPPE MOLINARI ED.
1822.

77240-B

RITRATO DEL AUTOR

S O N E T O .

**Picolo de statura e forcolin ,
Negro de cavegiara tempo fà ,
Ochio da gato , naso intabacà ,
Tinta de tera d'ombra , e zalolin.**

**Amigo cordialissimo del vin ,
In amor al'estremo sfortunà ,
Nè mai per questo un poco desgustà ,
Ma pien a tute l'ore de morbin .**

**Conveniente , e discreto quanto un frate ,
Sobrio co no i me dà gnente da cena ,
Gravio de molte idee ; ma tute mate ,**

**Amante de Poesia , ma senza vena ,
Curioso assae de più de dona Cate ...
No posso farne megio co la pena .**

EL VIN FRIULARO DE BAGNOLI.

Dum nihil habemus majus, calamo ludimus.

Ph. lib. iv. Fab. 11.

DITIRAMBO.

Fra tante bele cosse ,
Che natura al mortal despensa, e dona,
La prima, la magior, la più ecelente,
Che no la cede a guente ,
E che superba va per ogni logo,
Perchè tuti la vol, tuti la brama ;
Onorada da tuti
Qual celeste regalo soprafín ,
Che 'l cuor uman consola ,
Son certo, nè m'ingano , lu xe 'l Vin.
Sì, xe 'l Vin quel dolce Netare ,
Che consola , che dileta ,
Quela zogia predileta ,
Che brilante fa ogni cuor ,
Lu xe 'l fonte d'ogni giubilo ,
Dela pase , e l'armonia ;
Oggi mal lu para via ,
Lu bandisse ogni timor .
Ma fra i Vini el più stimabile ,
El più bon, el più perfeto

Xe sto caro Vin amabile,
Sto Friularo benedetto (1).

Lu ga i gusti più stupendi,
Tuti i odori i più sontuosi;
No ga Vini el Benintendi (2)
Del Friularo più preziosi.

Viva sempre la memoria
Del famoso Giulio Cesare,
Che à portà sto Vin in Udine
Da paesi lontanissimi,
Vin, che dopo molti secoli,
Trasportà da man benefica
In sto nostro clima dócile,
In sta terra cussì fertile,
Xe riüssio, segondo mi,
El più bon dei nostri dì.

Su via donca alegramente,
Tuti toga el goto in man,
E bevemo fin doman
De sto vin cussì ecelente,
Su via tuti alegramente.

Vegna in qua bozze, e bozzoni,
Ingistare, e bottiglioni,
Canevete, e bariloti,
Zuche, fiaschi, squele, e goti,
Vegna pur sechi, e mastei,
Vegna bote, e caratei,
Damigiane, e madalene

6.
De Friularo tute piene,
E bevemo,
E trinchemo,
Tracanemo
Sto bel sangue vegetabile,
Sto prezioso oro potabile.

Benedeto,
Che dileto,
Che piaser ! mo che gran gusto,
Che mi provo co te gusto!
Co te gusto, caro ben,
D'alegrezza mi son pien;
Co te bevo mi me sento
Tuto giubilo, e contento.

Guai se fusse una Dona ... poferdia !
Digo la verità, no conto frotole,
Per bever de sto Vin mi ghe daria
La scufia, el busto, el capotin, le cotole.

Bastonà,
Sculazzà,
Morsegà
Da una vechia senza un dente,
Più rabiosa d'un serpente
Sia culù, che no'l ghe piase;
E la pase, e'l dolce giubilo
Vaga lonzi dal so cuor.
Ma indorà,
Carezzà,

Cocolà

Da una cara gnognoleta
De sto amigo amiga stretta
Sia culù, che sempre coto
Da la sera a la matina
Xe più duro del biscoto,
Xe più negro d'una tina,
Sia culù, che ghe ne ingiote
In t'un ano diese bote.

Diese bote! xe anca poco;
O' parlà cussì da alocco:
Mi le bevo in manco assac
Se vedessi, che trincae!
E po', gnente, steme atenti.
Se volè restar contenti,
Za'l Friularo xe'l più bon,
E lu solo porta el vanto;
Ma, benchè el me piase tanto,
In mancanza de sto Vin,
No refudo el bon corbin,
El Gropelo ...
Ma bel belo,
Cono 'l xe più che dolzon.
La roba dolce a mi tropo me stommega,
La me sgionfa el bonigolo,
La me desmissia i flati,
Me par de aver in panza cento gati.
Son pezo de le femene.

De le regazze isteriche,
Son debole de' stomego,
De fibra eussi l'anguida,
Che un pero, un pomo, un persegio,
Un figo, meza nespola
Me fa vegnir el' spasemo,
El biro, le vertigini
Col resto dei so diamberni:
Ne trovo altro rimedio
Atutti sti disordini,
Che un fiasco de sto Vin benedetissimo
Che me rimete in stato perfetissimo.
Imparè, Done mie care,
A conoscer sto Liquor,
E no siè più tanto avara
A lodarlo, a farghe onora.
Savè pur a quanti incomodi
Zorno, e note andè sogete;
Convulsion stramaledete,
Cento specie de dolori,
Svanimenti, baticuori,
Stomegane, e ... che soi mi?
De sti mali in sto bocal
Ghè'l rimedio in general.
Ghè'l rimedio general,
Ghè'l cordial el più potente,
Ghè la droga più valente,
La più rara decozion,

La più scielta confezion,
L'elisir el più divin...
Ale curte, ghè sto Vin.

Mo, no xelo un gusto mato
A svodar sti bozzoncini?
Via de qua sti gotesini.
Sti cosseti da moscato,
Questa è roba da amalai;
Mi per mi no i toco mai,
Bevo sempre col bocal,
E mai mal, e mai dolori...
Sì, Signori, domandèlo,
Sempre belo come un fior
Me mantegno.

Me sostegno
Tuto spirito, e vigor.

Cossa feu, che no bevè?
Sì, alafè, che vago in colera!
Via, sentilo co prezioso,
Co odoroso!
No ghè gnente, che ghe possa;
Ancha el Cipro xe gustoso,
Ma el me fa la lengua grossa;
Bevè pur la Malvasia:
Mi la go per porcaria.
El xe assae megio del perfeto Scopulo
Del Alicante, del Moscato fin,
Del Santo, del Braganze, d'ogni Vin.

Lo digo francamente *coram populo*:
 Lu xe'l Re de tuti i Vini,
 Dei Liquori soprafini .
 Via de qua Montepulciano,
 Che se'l beva tuto Baco ;
 El xe giusto el so macaco
 Del Friularo che ga un ano .
 Che Canarie! che Tocai !
 Noi val gnanca i so pecai ,
 I me fa vegnir la rogna
 Co i me nomina el Borgogna ,
 El Reno, el Palma, el Visnà ,
 El Sanremo , el Ratafià ,
 El Clarete , el Sanloran ,
 El Madera , el Frontignan ,
 El ... diavolo , che i strangola !
 Butèli in te la zangola .
 Andaria po zo dei bazari
 Co i vien via co'l so Vermute !
 No ghè roba più antipatica ,
 Più contraria ala salute .
 Questo , questo xe quel balsamo ,
 Che fortifica ogni stomago ,
 Che fa far la dieta ai Medici ,
 E falir le Spesiarie
 Co le so potachiarie ...
 Ma tasè, che ghè un rimedio ,
 Ché no posso disprezzarvelo ;

Questo xe 'l Cremor de Tartaro,
 Mi per altro mai nel dopero;
 Ma sapiè che Sior Domenego,
 El mio caro cugnadin,
 M' à zurà: *perdio.bachissimo*
 Che 'l xe un sal cavà dal Vin.

Oe, disè, quel Vin negron
 Xelo forsi del Stradon? (3)

Sì, per dia! lè lu, lè lu;
 Sielo tanto ben vegnù;
 Xe cent'ani, che l'aspetto ...

Benedeto,

Benedeto,

Benedeto

Ti, e la mama, che t'à fato!

Mi son mato per sto Vin;

Coresin, vien qua, vien qua ..

Sì, caro, sì,

Sì, fra ti, e mi

Feghimo un prindese

Stracordialissimo

All'umanissima

Veneratissima

PARONA amabile.

Illustre Dona (4) onor del vostro sesso,
 D'ogni grazia, e virtù gentil modelo,
 Ve sia propizio el Ciel, quel Cielistesso,
 Che v'à donà quel cuor, che è tanto belo;

Quel Ciel, che a Vu soleta v' à concesso
El più caro, adorabile PUTELO ;

Quel ciel...ma, odlo! bisogneria dir tanto

Che mai se feniria : bevemo intanto .

Su via bevemolo,

E a son de piferi ,

Trombete , e flauti ,

Tamburi , e timpani ,

Chitare , e cimbani ,

Lironi , e gnacare ,

Su via onoremolo,

Imortalemolo ,

E pieni de alegrezza , e de morbi

Cighemo tuti : viva sto bon Vin .

Viva, viva i mi PARONI

Cavallieri splendidissimi ,

E i PARENTI nobilissimi

De sta CASA Ecelentissima :

Ma i xe tanti , e tanto i merita .

Che fra Lori , e i So gran meriti ,

Se volesse nominarveli ,

Restaria senza polmoni :

Viva tuti i mi PARONI .

Viva , viva i Viniziani ,

I mi cari Patrioti

Grandi , e picoli ,

Vechi , e zoweni ,

Done , e Omeni ,

Zentilomeni,
Galantomeni (5),
Poveromeni,
Castelani, e Nicolotti (6).
Viva tuti i Veneziani,
I mì cari Patrioti.
Via de qua malinconia,
 Bruta striga, va pur via
 Se me casca adosso el mondo
 Mi, fradei, no me confondo,
 E co un goto de sto Vin,
 Sfide el diamberne e'l destin.
Co sto Vin xe puro, e mero,
Co xe fato a tempo giusto
Ei riesse tanto fiero,
Cussì negro, e pien de gusto,
Che eo'l bevo vago in estasi,
E me sento tuto, tuto
Bisegar, ma dapertuto
Da quel so potente spirito,
Che a le volte infin m'ispirito.
A Bagnoli, a Bagnoli, carissimi,
Dà sto Vin, che fa tanti miracoli;
A Bagnoli, poeti fredissimi,
Se volè deventar tanti oracoli:
Qua ghè'l Monte, ghè'l Fonte, ghè'Apolo
Ghè'l Liquor, ghè le Muse, ghè l'Estro,
Sto bon Vin, sto bon Vin lu xe'l solo,

Che ai bravazzi pol far da maestro.
 A Bagnoli, a Bagnoli v'aspetto
 Da sta fiamma, che infiama ogni peto
 Vegna, vegna anca i più fervidi,
 Vegna i Gigni canorissimi,
 I Poetoni, i primi Doti,
 Anca vu, Sior CESAROTI,
 Chè a sta Fonte
 No sdegna de acostarse el PINDEMONTE
 Me d'irè mo; a cossa far,
 Se savè cussì a cantar?
 A tastar sto bon Liquor,
 A impenirye del so ardor,
 A compor una Bacheide
 Più sublime del'Eneide;
 Chè se ancuo i ve crede OMERO
 Vivo, e vero,
 Co in sto Pindo vu sare,
 E che indosso gavarè.
 No chitare, no lironi,
 Ma da grossi, e bei fiasconi,
 Uno in panza, e l'altro al colo,
 Sare alora el vero APOLLO.
 Pare Bepo (7), pare sana,
 Via, mainè quella Tartana,
 Voltè bordo, e vegnì a tera:
 Ma vegnì col vostro BACO,
 Che za credo stufo, e strace

De far guera in mezo al mar ;
 Via, vegnilo a restorar .
 Varenta vu, che al son de sto bocal
 Ghe torna tuti i spiriti a capitolo ,
 E dopo aver bevuo trequattro sessole
 De sto Vinon, che l'centopezzi imbalsema
 El ghe reniova un prendese badial .
 Al vostro Abate COSTA inanzolao ,
 Che anca da mi de cuor xe saludao .
 Cossa xe ? cortebandia ?
 No voi gnente, portè via ...
 Pandespagna ? diomelibera !
 No dasseno, Paroncina ,
 No magno gnanca late de galina .
 Più tosto, se la vol ,
 Tratandose de ela ,
 Mi buto via sto goto ,
 E bevo cola squela ,
 La gran rabia che mi provo
 Co me incontro in quei magnoni ,
 Che destermina i caponi ,
 Le dindiete, i colombini ,
 E che sorbe come un vovo
 I bodini ,
 I tortioni , e le rosae ;
 E po' dopo ste magnaee ,
 Aù mai visto i oseleti ?
 Sti lovoni

Sfondradoni

Beve el vin cussi a sorsetti :

Vedeu'mi ? con'un crostin

Sugo un sechio de sto Vin,

De sta cara perla d'oro,

De sto brodo da restoro .

Ghe darave delle scopole

A quer cani

De vilani,

Che ghe missia drento l'aqua ;

Maledeto el Vin aquatico ,

E i sassini , che lo inaqua !

Mi lo vogio sempre puro ,

Sempre grosso , sempre duro ,

Che'l se tagia eol cortelo ;

Co'l xe cussi mi svodo el caratelo ,

L'aqua , come savè , marcissee i pali ,

La porta mile dani ala salute ,

La fa , che chi la beve vegna zali ,

Che metà suso panza anea le pute .

Va pur via ,

Zogia mia ,

Va dal caro Pizzaneli ,

Va pur da mio compare Bonicelli .

Se languisse ,

Se sbassissee dala sè

No ghe meto suso el nasò ;

La go in odio , no ghè casò ...

Cossa, l'aqua medicate?

**Siori sì, giusto a proposito
Per lavarse le culate.**

Bevè pur l'aqua de Cila,

De Nocera, dela Vila,

Dela Brandola, del Sasso,

Se volè andar tuti a spasso,

Bevè quela da Recoaro,

Quela ... quela... quela , un corno!

Me fè andar la testa a torno ,

Bevè questo , questo , questo ,

Sto Friularo,

Marmotoni ,

Ve darà dei pizzegoni!

Su , da bravi alegramente ,

Tuti toga el goto in man .

E bevemo fin doman

De sto vin cussì ecelente ,

Su , via tuti alegramente .

Vaga pur l'amor al diavolo !

Chè son stufo de quel piavolo .

Oh ! Donete mie carete ,

Madamine svetoline ,

Zogie bele furbarele ,

Studiè pur quanto volè ,

Che mai più no me cuchè .

Ridè ,

Cantè ,

Balè,
 Pianzè,
 Sustè,
 Smaniè,
 Mai più, mai più, mai più no me cuchè.
 Andè pur dai vostri amanti
 Spasemanti, deliranti,
 Da quei cari polastroni
 Semplizoni, balordoni,
 Chè per mi go bu 'l bisogno...
 Co ghe penso me vergogno.
M'èmè su, Madam? - ul.
Ul, mon ser, ze mur pur vu,
 Domandarme un poco a mi,
 Sior cucheto de *Monsù*.
 Viva, viva la mia Nina
 Frescolina,
 Tondolina:
 Viva, viva quel bochin
 Stretolin,
 Quel lavreto cramesin:
 Restaressi,
 Stupiressi,
 Se vedessi
 Quanto ben me vol custia!
 Ma chi xe sta cara fia?
 Che curiose! le gran femene!
 Una bela Damigiana,

Che co mi fa sempre nana.

Che richezze?

Che grandezze

Mo, che onori?

Via caveve, cari Siori,

Questo xe minchionerie:

No ghe dago un gotesin

De sto Vin

Per disdoto monarchie,

Quanto è bella la Virtù!

Sì, n'è vero? cari vu,

No ghè i pezo dei virtubosi;

I ga tuti i mali eronici,

I xe tuti malinconici,

Panzarini,

Del color dei canarini;

E per causa de sti incomodi

I riesse fastidiosi,

Despetosi,

Taroconi,

Litigoni,

Tutì, tuti malsestoni,

Vedeu mi, che mai no studio;

Che su'l libro del bocal;

Se son rosso come un gambaro,

Se con tuti son genial?

Via da bravi tremo su...

Gran piaser, che dà custà!

Che comedie ?
 Che tragedie ?
 Che spetacoli ?
 Che festini ?
 Che casini ?
 Che delizie ?
 Che Brenta ? che Strà ?
 Che Padoa ? che Pra ?
Alto qua.
 Sò anca mi, che l'xe magnifico ,
 E che Padoa ga rason
 De tegnirse tanto in bon :
 Viva pur el gran talento ,
 El bel GENIO ,
 Che à dà moto a quel portento ?
 Ma a parlarvè schieto , e neto
 Anca el Pra ga el so difeto ...
 Sì Signori ,
 Sì Signori ,
 Ghe voleva dei fiasconi ,
 Dei pistoni ,
 Dei piloni
 Tuti pieni de sto Vin
 Ben disposti fra le statue
 Come i vasi d'un zardin :
 Diese bote per canton
 Messe in forma de piramide ,
 Che formassee quattro guglie

21

Superbissime,
Modernissime;
E in tel mezo un grantinazzo,
De l'altezza d'un palazzo,
Che portasse un stendardon,
Dove fusse scrito a pegola
Con carateri da fabrica:
VEGNA QUA CHI VOL VIN BON.
Pofardìa, che bel spetacolo!
Sentiressi, che gran strepito,
Che farave un mar de popolo.
Co i so viva festosissimi!
Vederessi, che concorso!
Altrochè Fantini, e Corso.
Deme, deme quel fiascon;
El me par sempre più bon.....
Oh cospeto, l'ò svodà!
Vegna un altro, vegna in qua.
Vegna, vegna ... maledeti!
Anca qua portè i fogieti?
I me fa vegnair i grizzoli,
No ghè i soldi più strupiai;
No i discore, ché de guai,
Che de bombe, e de canoni
Che de morti, e de ferì...
Vostro dano, i mì minchioni,
No i me cuca minga mi.
Ande pur, ande ala guera,

Feve pur tagiar a pezzi ,
Chè mi salvo el centopezzi
A l'onor de sta bandiera ,
Qua cervele ,
La buele ,
Gambe, e brazzi va a le stele!
Canonae ,
Schiopetae ,
Sabolae ...
Mi no vòi ste baronae .
Vedeu là quel caratelo ?
Quelo xe 'l mio Colonelo ;
Quele zuche , e quei bocai?
Quei xe tuti i mi Oficiai ;
Quele tazze , e quei fiaschetti ?
Le mie spade , e i mì moschetti ;
Nè per mi ghe xe botin
Più precioso de sto Vin .
Vardèlo ,
Nasèlo ,
Gustèlo ,
Provèlo d'inverno , d'istà ,
Bevelo scaldà ,
Bevelo giazzà ,
Che sempre el trovarè una rarità .
Dolce amigo , vien qua , dame , un baso..
Mo che odor , che rapisse ogni naso !
Che cimozza , che l'ochio consola !

Mo che godi col toca la gola !
Altrochè chiocolata , e cafè !
Che sorbeti, che ponchi , che tè ?
Non ghè gnente , che sia pur perfeto ,
Che me daga più gusto , e dileto .
Sto fiascheto xe un intrigo ;
Quela zuca , caro amigo ...
Cossa feu ?
Cossa diavolo me deti ?
No v'oi dito el bariloto ?
Sì per críspo che'l xe coto !
Tanto fa che vaga mi ...
Pofardì ! chi l'à svodà ?
Zito , zito , che ò falà ;
El xe pien incoconà ;
Panza mia, no te far star ,
Chè l'avemo da svodar .
Su per un ,
Su per do ,
Su per tre ,
Su su vè ,
Bravo su ,
Su , su , su ...
Maledeta camisiola !
Mola , mola ,
Tagia , mola ,
Che 'l me vien su per la gola ...
Ah ! natura tropo stitica ,

Perchè farme un solo stomego ,
 Un gargato cussì picolo ?
 Mo perchè , perchè no farmene
 Diese almanco , almanoo quindese
 Longhi , e larghi come l'Adese ,
 Per trincar come un deluvio .
 Tracanar come un demonio ,
 Impenirme come un diavolo
 De sto Vin saporitissimo ,
 Squisitissimo ,
 Arcistupendonazzissimo ?
 Ma , cospetto xe un gran 'caldo !!
 Uh ! che caldo , caldo , caldo !
 Che siroco ! vita mia ,
 Va pur là , va via , va via ,
 Beverò debò-bo-boto ;
 Dove xe'l mio bariloto !
 Saldi , saldi , casco , casco ! ..
 Ve sugheu tuto quel fiasco ?
 De qua anca mi ,
 Che go una sè ! ...
 Butè , butè ,
 Svodè , impenì ,
 Cussì , cussì ,
 No più , no più ,
 Tolèlo vu ...
 Dè qua , dè qua ,
 Per carità !

Seco brusà.

Vòi trincar come un Todesco
De sto Vin stupendo, e fresco
Fin che vivo, e che go fià,
Fin che in panza me ne stà.

Star Tais? far trinch, trinch.

Star home de Ghermaine?

Zu trinch, trinch vaine.

Se calantome star,

Zu trinch, trinch, trinch,

Melie custe no provar.

Trinchén, trinchén de pone Friularach,

Cente milè pocal nit imbriach.

Ola... o...

Ola... o...

Ola, oe, no toco tera!

Vago, svolo, vago in aria,

Presto, presto, sera, sera,

Sera, sera quei balconi,

Che no vaga cussì a svolo,

Cussì solo

Fra le nuvole

Dove nasce i lampi, e i toni.

Lampi... toni...

Vegna Vin, per carità!

Che la testa via me va...

Gnente, gnente,

Alegramente:

**Ogni mal me xe passà .
Benedeto sto bon Vin ,
Che consola elcoresin !**

Ureman trè bon !

*Alon , alon ,
Alon , Monsù ,
Che fet vu ,
Che no bevè ,
A la santé
De tuti nu ?*

Alon , bevon , trincon , finchè crepon .

Oimei ! cossa mai xè ?

**Vardè , vardè , vardè ,
La sala s' à imbriagà !
La va de qua , e de là !...
Caminaanca i taolini ,
I quadri e i careghini !...
Agiuto , agiuto , agiuto ,
Vardè , camina tuto !
O dio , o dio , o dio ,
El mondo xe fenio !
Per mi digo de sì ...
Tegnì , tegnì , tegnì ,
Tegnime , cari vu ,
No posso star più su ...
La tera tremola !
I travi bagola !
I veri scriccola !**

I muri screcola !
Tuto precipita ,
Porteme in vaneva .

*Sive hoc ineptum , sive laudandum est opus ,
(Che no lo credo) nostra perfecit munus .*

Phædr. lib. vi. Fab. xx.

SPIEGAZIONE DELLE NOTE .

(1) Vino nero esquisitissimo , che si raccolghe in Bagnoli , Villa del Territorio Padovano , dove la Famiglia Widmann à porzione delle sue rendite .

(2) Mercantante di Vini forestieri in Venezia .

(3) Pezzo di terreno dalla sua figura così nominato che produce il Friularo dell'ultima perfezione .

(4) La N. D. Elisabetta Duodo Contessa Widmann .

(5) Voce che in Venezia nota il ceto medio .

(6) Il Popolo di Venezia si divide in due corpi , quello di Castello cioè , e quello di S. Niccolò .

(7) Il sig. Giuseppe dott. Menegazzi amico de l'Autore : alludendo al suo ditirampo : *il Bacco in mare* .

INDICE VENETO TOSCANO .

A

Andar zo dei bazari *Mettersi grandemente in collera.*

B

Badial	<i>Squisito.</i>
Bagolar	<i>Traballare.</i>
Baronae	<i>Briconate.</i>
Biro	<i>Specie di Convulsione.</i>
Bisegar	<i>Ricercare.</i>
Bonigolo	<i>Ombelicolo.</i>
Butar	<i>Votare.</i>

C

Canevete	<i>Custodie di legna per le bocce,</i>
Caratelo	<i>Botticella.</i>
Careghini	<i>Seggiolini.</i>
Centopezzi	<i>Ventraja.</i>
Cimozza	<i>Spuma del vino.</i>
Cocolar	<i>Migliorativo di accarezzare.</i>
Cotola	<i>Gonnella.</i>
Cucar	<i>Cogliere, corbellare.</i>

D

Damigiane	<i>Gran fiaschi di vetro impagliati,</i>
Desmissiar	<i>Risvegliare.</i>
Dindiete	<i>Gallinacci teneri,</i>

F

Frotole

F

Baje.

G

Gnognoleta	<i>Ragazza amabile.</i>
Grizzoli	<i>Brividi, il freddo della febbre.</i>
Godi	<i>Piacere vivo.</i>

I

Incoconà

Estremamente pieno.

M

Madalene
Malsestoni
Missiar
Molar

Boccalacci.
Sguajati.
Mescolare.
Sciorre.

P

Panzarini
Pare, sana
Pizzegoni
Potachierie

Panciuti.
Salute, amico; frase veneziana marinaresca.
Pizzicotti.
Sporcizie.

R

Rosae

Piatti di latte colle uova.

S

Sbasir
Scopole
Screeolar
Scricolat
Sessola

Morire.
Busse, che si danno sul capo con le mani.
Far cre, creck.
Far cri, cricch.
Picciola pala di legno fatta per asciugare dall'acqua il fondo delle barche, di cui i Marinai si servono per bere in mancanza di tazza.
Ciotole.
Bere ingordamente.
Dolersi.

V

Varenta vu **Così Dio vi salvi.**

RITRATO DE CLORI.

SONETO

Tagio gentil, e conveniente altezza,
 Cavolo negro quasi imbovolà,
 Oehio castagna; ma de quei che tra
 Un certo chè nelcuor, che loscavezza :

Colori quieti; ma che ogn'uno aprezza,
 Bochin da do corali contòrnà,
 Peto ben fato... tropo imbaverà!
 E tutto el resto, tutto una bellezza.

Trato divin, e talequal con tuti,
 Maniere oneste, che xe sempre quele,
 Un cuor... odio, che cuor! quanto benfato!

Somi talenti noti ai vecchi, ai puti;
 Tute insoma le doti le più belle
 Forma de Clori el semplice ritrato.

R I T R A T O

DE

NINETA FANTOLINA.

Picoleta,
 Ma furbeta,
 D' un perfeto
 Bel tagieto,
 Cavei d' oro,
 Ochio moro,
 I colori
 Late, e fiori,
 El bochin
 Da bambin,
 Denti bianchi,

Peto, e fianchi,
 Le manine
 Bombasine,
 I penini
 Balerini ..
 Tuto belo,
 Tuto quelo,
 Che pol dar,
 Che pol far
 Con bravura
 La Natura

A N I N A A D U L T A.

C A N Z O N.

Cara Nina, vien qua chè te varda ...
 No t'ò visto mai più tanto bella ,
 Ti xe bianca , ti è grassa, ti è sguarda ;
 Ti xe insomma una riosa, una stella .
 Mo che drezze più bionde del oro !
 Mo che cegie , mo che archi d'amor !
 Mo che ochieto , co vivo , co moro !
 Che bei lavri , che brusa ogni cuor !
 Che dentini del late più bianchi !
 Che brazzoti , che man , che penin !
 Mo che colo , che peto , che fianchi !
 Che grazieta , che brio , che sestin !
 Ale curte, el to esterno xe belo ;
 Ma el to cuor , eara Nina, xe un can ;
 Ti ga un cuor , che ga tanto de pelo ,
 Ti ga un cuor indisereto inuman .
 Ti ga un cuor , che no sente pietà
 De chi tanto te stima , e t'adora ,
 De chi tanto te xe innamorà ,
 Che no manca che'l spira , ch'el mora .
 Ma la morte per mi saria un miel ,
 Se lassasse sto mondo per tì ,
 Perchè forse inalora , crudel !
 Ti traessi un sospiro per mi .

RITRATO DEL SIG. N. N.

S O N E T O .

Nè picolo, nè grando ; ma ben fato,
 Belo no son ; ma no son gnanca bruto,
 Son calvo un pòchetin, ma paro un puto,
 Sibèn xe qualche aneto, che son nato.

Cole done ale volte fazzo el mato ,
 E coi omeni son piutosto muto ;
 Ma , se parlo pocheto , son acuto ,
 E onestamente furbo quanto un gato,

El mondo go zirà , e lo conosso ,
 Fazzo l'agente , el fazzo con onor ,
 E posso dirlo senza vegnir rosso ;

Ma quel , che ve farà forse stupor ,
 E che de dirve tralassar no posso ,
 Co vedo un buzolà ghe lasso el cuor .

PER UN DOTORATO.

S O N E T O.

(1) El Nono pianze... o dio! cessa gai fato?
 Sior Nono... caro lu... via, cossa galò?
 Se'l pianzesse per mi, nol pianza, salo.
 Chè son assae contenta del mio stato.

A sto convento m'ò adatà in t'un trato,
 Perchè no son ligada minga a un palo;
 Me moveo ale mie ore, salto, e balo,
 E po' go un'ami a tanto de bon trato...

Cossa diselo mai? per carità!
 El pianze perchè el Barba se dotorà?
 O, questa xe per mi una novità...

El pianze d'alegrezza? megio ancora!
 Ma mi no pianzo; ride, inverità,
 E de dirghe Dotor no vedo l'ora.

(1) Parla una putela de set'ani, entrada da pochi zorni in Convento.

RISPOSTA DEL AUTOR

A UNA REGAZZA

Che lo avisa de aver pensò de Maridarse.

CANZONE TA.

Maridarve , sì , volè ?

Marideve pur condio ;

Ma no so se vu sapiè ,

Che intrigheto sia el mario .

Se 'l xe vechio , el xe susteso ,

Nol ve lassa mai de pesto ,

Fin del gato el xe geloso ,

E un tormento in tuto el resto .

Se 'l xe zovene , e ben fato ,

Ma arlevà ala sbandierona ,

Cole bele lu fa el mato ,

E nol bada ala parona .

E se 'l xe tropo prudente ,

Se 'l xe tropo casalin ,

Lo gavè sempre darente

A tetarve in tel martin .


Me dirè : ma ghe ne vedo

Qualchedun senza eczion .

Sarà vero , Io concedo ;

Ma el xe raro sto bocon ...

Sì, v'intendo, volè farla,
 Fela pur; ma procurè,
 Cara vu de no falarla,
 Chè per sempre ve burlè.



C A N Z O N.

Se Venere, Ia Dea,
 Se calasse dal ciel per so diporto,
 E che la se incontrasse in sto Putin,
 Mo, caro fantolin, mi so che la diria,
 Ti è molto belo!
 Ti ghe somegi tuto al mio putelo.
 Ma se dopo per caso
 La'l sentisse a parlar,
 La'l vedesse a gestir
 Alora sì la sentiessi a dir.
 Consoleve Widimani,
 Che un putelo de quatraní,
 Come el vostro, no se dà.
 Tanto belo, tanto caro,
 D'un talento cussì raro,
 D'una tal docilità.

PER NOZZE.

C A N Z O N .

No xe vero, Siori nò,
 Che le Muse mai no invechia;
 Mi ve digo, mi lo sò,
 Se la mia xe fata vechia.
 Vechia grima, bolsa, e strupia,
 Che no fa, che scapuzzar,
 Che no pensa, che ala grupia,
 Perchè stufa de laorar.
 Gnanca el vin no xe più quelo,
 Che ghe daga lena, e brio;
 Povereta! el so cervelo
 Deventà xe tuto el mio.
 Come donca mai farogio
 A cantar senza el so agiuto?
 O fruà più vin che ogio,
 E fruà senza costruto.
 No ò mancà dal canto mio
 De tirarme sul Parnaso,
 Per pregar el biondo dio
 De agiutarme, se gliè caso.
 Che risposta m'alo dà?
 Senti pur che bruto sesto!

Nol m' à gnanca ben vardá,
 Che el m' à dito ; te go in cesto.
 Massabona che prudenza
 M' à insegnà, che volta via,
 Guai, se fazzo ressistenza !
 Chi sa mai dove saria ?
 Perchè donca son vernacolo ,
 Se me deve disprezzar ?
 Caro Apolo antivernacolo
 Vate a far imbalsemar !
 El vernacolo poeta ,
 Lo confessò , ga el segondo ;
 Ma lo intende la doneta ,
 Ma lo gusta tuto el mondo
 Lu xe 'l solo pan per tuti ,
 Se ò da dir la verità ,
 Per i vechi , per i puti ,
 Per chi sa , per chi no sa .
 Ma fenimo sta canzon ,
 E vegnimo al concludente ;
 Mi percerto no so bon ,
 Senza agiuti de far gnente ..
 Ti à promesso , sento a dir ;
 Se ò promesso , pofardia !
 Co no posso mantognir ,
 La facenda xe fenia .
 E po' curte , mi vel digo :
 El lodar , che fa i poeti

No se conta per un figo ;
 Ognun sa , che no i xe creti .

Lori loda sempre tutto
 Egualmente , e tutto al vivo ,
 Tanto el belo , quanto el bruto
 Tanto el bon , quanto el cativo ,

Co à feñio el quaresimal
 Qualche tristo buraton ,
 Un soneto , o un madrigal
 Lo fa el primo sogeton .

Se nei studj povereto
 Qualchedun se fa dotor ,
 El poeta c' un soneto
 Lo fa più che professor .

Ghe sarà una balerina ,
 Che no bala i so pecai ;
 Ma per farla una Medina (1)
 I poeti xe impiegai .

Ghe sarà ... che sogio mi ?
 Tuto quel , che più ve piase ;
 Ma co i fa sempre cussì ...
 Oh, perdia ! mandèli in pase .

Mi per certo no me curo
 Dele lode de sta zente ,
 Perchè son più che seguro ,
 Che le val manco de gnente .

(2) Celebre balerina a tuti nota .

È stimar vorà i so cantí
 Sta adorabile Sposina ?
 No xe chiare a tuti quantí
 Le virtù de Teresina ?
 Nata in sen dela grandezza ,
 D'una rara nobiltà ,
 Chi no sa quanto l'aprezzá
 El tratar con umiltà ?
 Chi no sa le bele dote
 Del so spirito , e i talenti ?
 A chi mai no xe po' note
 Le so grazie sorprendenti ?
 Chi no sa , che la so Maima ,
 Rispettabile Matrona ,
 L'à educada da gran Dama :
 Ma da Dama savia , e bona ?
 Chi no , sa , che'l Genitor ,
 Cavalier dei cari al Cielo ,
 Co l'esempio in mezzo al cuor
 Ga inestà tutto el so belo ?
 Chi no sa , che'l caro Sposo
 Ghe somegia a perfezion ,
 Ch'egualmente el xe virtuoso ,
 Belo , savio , colto , e bon ?
 Ma se tanto xe verissimo ;
 Ma se questa è l'ose sola ;
 Resto donca contentissimo ,
 Se anca manco de parola ,

LÈTERA

Che accompagna un Regalo.

La 'l creda , Sior Domenego ,
Bagnoli ò visto appena ,
Che ò perso l' apetito
Tanto a disnar , che a cena .
O' perso l'alegria ,
O' perso el bon umor ,
Nè più se conosseva .
El povero Dotor ;
Insoma , senza burle .
Per mi l'andava mal ,
Se al mondo no ghe gera .
El sugo del bocal .
Me taco donca a quello ,
E bevo alegramente ;
Ma bevo un poeo tropo ,
E tropo ingordamente ;
E dopo aver dà fondo
A un mezzo bariloto ...
La varda che desgrazia !
Me trovo tuto eoto ;
E qual furioso Orlando
Coro in tel mio ponaro .
Adio caponi e dindie ,
Ancuo no ghè riparo ;

Chi resta senza colo,
 Chi zoto snombolà ...
 Mo quante a quei gramazzi,
 Mo quante ghe n' ò dà !
 Vago po' in columbera
 A terminar la festa,
 Dandoghé a più colombi
 Un legno su la testa ...
 La ride, Sior Domenego ?
 Pur tropo digo el vero,
 Pur tropo, co' son coto,
 Devento un omo fiero.
 L'averza pur la cesta,
 Dove la troverà
 Parte delle bestiole,
 Che mi go trucidà ;
 Unitamente a un lievro
 Putin, e familiar,
 Che m'è vegnù in ti piè
 Da vogia de repar.
 Che xe po' fra sta roba
 Anca do bondolete,
 Che no sarà cative,
 Se no le xe perfete ;
 E queste ghe le mando,
 Perchè la prega el Cielo,
 Che beva rare volte,
 O beva più belbelo.

LE T E R A
ALA SIGNORA A. S.

Parona benedeta.

Se ghe fusse abondanza de paneti, de polenta, de lardo, de castrà, de saredele salae, de bacalà, come ghe xe abondanza de soneti: no ghe sarave al mondo povereti, che andasse domandando carità, tuti ghe n'averave a sazietà, tuti saria contenti, tuti quieti: me scusare perciò, Siora Tonina, se no fazzo un soneto a vostro Fio, che canterà el prefazio sta matina. El merita un poema, viva-
dio! e ghel faràve; ma no go farina; me ne consolo donca, e basta. Adio.

E V. B. Serv.

N. N.

CHI A' TEMPO NO ASPÉTA TEMPO.

Un povero vilan,
 Vedendo, ehe un ricon del so paese
 Andava ogni qual trato
 Per consegj in mezzà d'un avocato,
 El dise fra de lu :
 Che i sia gnanca i consegj, che fa richi ?
 Vòi provar anca mi, vogio un consegio !
 S'anca lu me costasse el bon, e l'megio.
 El va donca ala presta
 Con do grossi dindioni
 Da un avocato ; ma de quei de testa ,
 Che visti quei bestioni ,
 Che dise al bon vechieto :
 Cossa voleu da mi ?
 El contadin risponde: un consegeto .
 Un consegio volè ?
 Sogiunge l'avocato, e ben parlè .
 Ma continua el vilan: vogio un consegio ,
 No so po' dirve qualo;
 Ma quel, ch'a vu ve par ...
 Demelo , via, ehe è vostro sto regalo .
 Son qua , ve serve in bota ,
 Responde l'avocato al bon marmota :
 Chi à tempo, vita mia, no aspetta tempo ,
 E in sto mentre el ghe leva dale man

I do dindioni al povere vilan ,
 Che tanto lo ringrazia , e volta via
 Tuto pien de contento, e d'alegria ;
 E zonto a casa, el varda el so formento ,
 Che no gera ben fato in quel momento ;
 Ma nonostante lu lo fa tagiar ,
 E i so fioli se taca a biastemar ;
 Noi biastema per altro elzorno drio ,
 Che casca un tempeston, ne varda Dio !
 Anzi i conferma tuti tre d'accordo ,
 Che chi trascura el tempo xe un balorde .

N O V E L A ,

Credendo d'esser sola
 Un zorno in mezzo un prà Madona Viola ,
 La tira su el sipario ,
 Per darse certo sfogo necessario ;
 Ma quattro zovenoti ,
 Che gera là cercando dei quagioti ,
 La vede prima a far ,
 E dopo a esaminar quel, che l'à fatto ,
 E fra questi el più mato
 Salta suso , disendoghe sorela ,
 Per cossa la vardeu ? tanto l'è bela ?
 Ma là Viola responde : no , i mi püti
 Vardava se la pol bastarve a tutti .

LA POLENTA.

Gustus non omnibus unus

Macar. ined.

SCHERZO DITIRAMBOICO.

Ben venuti, ben venuti,
 Via, da bravi, le se senta
 Le se comoda qua tuti,
 Che xe ora de polenta.
 Disnaremo qua in cusina,
 Za la vede che zogielo,
 Co mi go la polentina
 Questo è sempre el mio tinelo.
 Ma le prego un momentin.
 Oe, Tonin,
 Fala in fete
 Sutilete,
 E impenissi la licarda...
 Varda, varda,
 Che quei stizzo fa del fumo!
 Sì, per dia, che me consumo
 A insegnarghe a ste marmote!
 Quele quagie no xe cote,

Quela bampa no laora ...
 Via ... da brava , siera Dora,
 Sul fogher no vogio intrighi;
 Onzè ben quei becafighi;
 Tirè zo quele brisiole...
 Deme in qua le cazzariole...
 Mo che odori , che consola !
 Portè in tola , portè in tola...
Tropa roba ? cosa disele?
 No le vede ? semo in quindese;
 E po' gnente , mi soleto ,
 Picoletu come son ,
 A contarghela da amigo ,
 Più d' un terzo la destrigo .
Co ghe xe sta bela zogia
 Mi devento un parassito ,
 E po' mando el rosto , el frite ,
 E i piateli tuti al bogia .
La me piase dura, e tenera,
 In fersora , e sulla grela ,
 In pastizzo , in la paela ;
 Co i sponzioli , coi fongheti ,
 Col porcelo , coi oseleti ,
 Cole tenche , coi bisati ,
 Co le anguele per i gati ;
 E po' insoma in tutti i modi
 La polenta xe 'l mio godi .
Co camino per Venezia ,

E 'che trovo per le strade
 Quei, che vende polentina
 A un soldeto ala fetina;
 Che i me diga pur: no cade,
 Che mi spendo el mio boreto
 La gazeta, e infina el traro
 E bel belo, belbeleto.
 Me la vago musegando
 Rosegando,
 Papolando
 Soto l'ala del taharo.
 Ola, digo, Comareta,
 No tegnì la hoca stretta,
 Fè i boconi un fià più grossi,
 Chè za qua no ghe xe ossi.
 Questo è late ben colà,
 Dove drento go butà
 El bisogno de farina
 Tamisada fina, fina;
 E po' a forza de missiarla,
 De menarla sora el fogo,
 Come fa ogni bravo cuogo,
 L'd tirada una rosada,
 E a sculieri l'd cavada;
 Go butà po' su el so zucaro
 El botiro, e la canela;
 Comareta, via, magnèla,
 Comareta, via, magnèla.

Chè voi farve tondolina,
 Grassa come un becafigo;
Perdoneme, se vel digo,
 Vu sè stada sempre bela,
Ma un pocheto magretina:
 No vedè ste furlanote,
Che papote che le gà?..
Che montagne!.. che arie fine!
Quele è tute polentine,
 Che al pajes le ga magnà..

Sto pastizzo xe un oracolo ...
 Che botiro perfetissime!
Mo che stime tartufole!
Che fongheti gentilissimi!
Che polenta ben passada!
 La par proprio una sfogiada.

Vegna i cuoghi contuti i so sguateri
A imparar da sto muso de mamara
A formar el pastizzo più nobile,
Cussì raro, e gustoso, che'l simile
No i lo trova se i studia tre secoli,
 Se la mente e'l cervelo i se stempera,
No i lo trova, son certo, certissimo,
 Per dio baco! bacon! baconissimo!

Ola, amigo, cossa seu?
 Cossa diaamberne gaveu,
 Che no fè che sbadagiar?..

Povereto ! .. se pol dar ?
 La polenta ve fa sénò ;
 La ve fa malinconia ?
 Andè in leto , caro nonq ,
 Chè la testa ve va via !
 Cossa mai saria de mi ,
 Che la magno a tutte l'ore ?
 Ma lo diga ste Signore ,
 Se de note fazzo dì ,
 Se son sempre d'un umor
 Cossa disela , Bonsior ?
 La polenta xè ordinaria ?
 Oe , lighèlo , chè 'l zavarìa !
 No la sa , che le gran Dame
 Par infin morte da fame
 Co le vede la polenta ?
 No la ridà , la me senta ,
 Mi le vedo in palco al'opéra ,
 E ale cene dei casini
 A magnarla tanto in furia
 Sia in pastizzo , o in boconcini ,
 Chè par , e ghe lo zuro ben , persbrio !
 Chè no le veda mai graziadélio ...
 Oh , che mato che ti xe !
 Si alafè che vago in colera !
 La polenta inlanguidisse ?
 La fiachisse ?
 La sbasisse ?

Te becasse cento bisse !
No ti sa se i Terazzeri,
I Mureri,
I Fachini,
I Tasini,
Quei, che adopera le sieghe,
Quei, che conza le careghe,
Quei, che ciga **tagialei**
Co i xe vecchi i par putei ?
I xe svelti come spade,
I camina per le strade,
Che i consola chi li vede :
E sì, posso dirte in fede,
De purissima polenta
Ste creature se sostenta .
Varda roba ! tarda ! varda !
La mostarda !
Mo che quagie l mo che tordi !
Mo che odor ! lo sente i sordi ,
Che polenta ! co ben frita !
La me dà proprio la vita ...
Via Comare , destrighemola ,
Chè, per diana ! la lo merita ...
Ah ! gavè dolor de denti ?
Malegnazi ! i xe sti venti ;
Ma son qua co un gran rimedio :
Una bela feta in bota
De polenta apena colá

Aplichèla
 Cussì calda ala massela
 Fè l'istesso in qualche dogia
 Che ve dà un dolor da hogia
 Sia pleuritica , o sciatica
 E ve parlo ben per pratico
Se per caso studiè l'etica
 No stè a tor brodi de vipera
 De gagiandra , nè de gambare
 Nè tanti altri diavolezzi
 Che destruze vita e bezzi
A bon'ora ogni matina
 Feve far la polentina
E magnèla a scotadeo,
 Se crepè me tagio un deo.
Se gavè ... ma cossa è stà?
 Gran secae ! che i vegna qua
 Oh ! cospeto ! benedeta !
 Sì , dasseno una cassetta
 De farina bergamasca
 Che me ariya da Somasca
 Digo ben che la go cara
 Oe , vardè che cossa rara ?
 Che color ! che bel zalon !
 Femo , femo un polenton
 Tropo tardi? yarda , maton
 Fazzo farlo qua in t'un trato
Catina , via , Catina ,

Tamisa in quel albuol
 Sta bela zalolina ;
 Ma varda che l'granziol
 No resta in tela semola ;
 Che l'vaga tuto zo ...
 Puro fioreto ? oibò ,
 La riesse tropo slimega ;
 E smorta de color ...
 Ma cossa fa quel sior
 Là solo in quel canton ? ...
 To su quel caldierón ,
 Tachilo' ala caena ...
 Mo via , gran Madalena !
 Me fastu dir del mal ?
 Parechime del sal .
 Destrighite , Catina ,
 Vien qua cola farina ...
 Basta : va ben cüssì ...
 Va ben , tèl digo mi ,
 Co' la xe tropo dura
 La buta ruspià , e scura ,
 E piena de monari ...
 Alegri , fioli cari ,
 No stemo quà a vardarla ,
 Xe ora de menarla .
 Via , presto feinene ,
 In qua la mescola ...
 Da bravo , Giacomo ;

Da bravo, menile,
 Da bravo, daghella,
 Adasio, adasio.
 Chè la se brustola!
 Presto, destachisa,
 E ben unissela
 Co la to spatola
 Qua sula cenere
 La va benissimo,
 Via presto deghimo
 Un fià de fogo,
 E rebaltemola...
 Mo bravo cuogo!
 Largo, largo, deghe strada,
 A sta nobile Matrona;
 Che da tuti xe adorada
 A sta bela Pojentona
 Schietaneta, e natural,
 De farina, d'acqua, e sal
 Senza ontume,
 Nè grassume,
 Senza odor da brustolin,
 Senza un fià de pignatin,
 Noime fata, e rebaltada:
 Largo, largo, deghe strada
 Oe, Catina, sona el cimbano,
 E ti, Giacomo, compagno
 Cola meseola, e la spatola,

Chè ghe femo onor al merito
 Veramente impareggiabile
 De sta nobile Regina
 D'ogni piato de cusina .

Qua del filo , Siora Bortola ,

Chè voi farla tuta in fets :
 Mi , per mi ghe ne voi sete ,
 Oto , diese , e po'... chi sà ?

Fermi , fermi , eari vu ,

Chè ghe vogio pensar su ..
 Fermi , digo , pofarsbrio !
 Lassè star de pizzegarla ,
 Chè ò pensà de maridarla .

Ma chi mai sarà el so sposo ?

Via , regazze , indovinelo ...
 Nò , dasseno , el xe più belo ,
 Mile volte più sentuoso ...
 No'l trovè gnanca in cent'anni
 Ma ve levo da sti afani :
 „ Lu xe 'l Re de tutti i vini ,
 „ Dei liquori soprafini .

Cossa ve par ? disemelo ,

Xelo un sposia de sesto ?

Regazze , vel protesto ;

De megio no se dà .

Regazze gentilissime ,

Vegnime tute a presso ,

Chè voi sposarli adesso ,

Chè voi sposarli qua
Bravo, Tonin
 Un gotesin
 De sto bon vin,
 E una fetina.
 De Polentina,
 Ma galantina,
 Chè voi far una zopeta,
 Che consola, che diletta,
Cospetazzo del demonio,
 Che stupendo matrimonio!
 Mo che zopa xe mai questa
 Fata su cussì ala presta?
Catineta,
 Comareta,
 Riosa, Bortola, Lucieta,
 Via, sorele, tute qua
 A sentir sta rarità...
 Cussì poca, coresin?
 No lateu quel fantolin?
 Impenive ben la panza;
 No ghè gnente, assiourevelo,
 Gnente al mondo che la supera
 Per far late in abondauza.
Ola, digo, bella fia,
 Ma sè molto ingritolia!
 De novembre gavè fredo?
 Eh ve vedo, sì, ve vedo.

Ma' no tremò minga mi,
 Via, caretà, fè cussì ...
 Vegna pur tuti i aquiloni,
 Ee più fiere
 Levantere,
 Vegna el fredo dei Laponi,
 Cogo in panza sto bruetin
 Mi devento un paladin!
 Mai no tremo, supio, e suo,
 Se anca fosse quasi nuo.
 Se sta zopa inar va avanti,
 E se metà tuti quanti
 A magnarla come i risi,
 Nu vedemo tuti sbrisì.
 E Sartori, i Pelizzeri,
 Rovinai tuti i Marzeri,
 No se fabrica più pani
 Nè da Schio, nè padoani,
 Mai più bati, nè londrine,
 Nè fanele, nè schiavine;
 Vien i fassi vinti al traro;
 No se mete zo le ventole
 Granca el mese de genaro
 Toni, porta del friularo,
 Chè la Sposa xe quarsola;
 Presto, via, che la consola;
 Co la xe cussì soleta
 La xe morta, povereta ...

Pofardin de din, de dia!
 La gran testa xe la mia!
 Sì, per crispero, che son matore!
 Cossa diamberne goi fate!
 A no darghe a sta Sposina
 A sta bela polentinha
 Anca un poco de servente
 Che ghe staga sempre axente.
 No ghe Dama, nè Contessa
 Citadina, o Marcantessa
 Benestante, e boteghiera
 In ancuo la cameriera,
 La massera,
 La calera,
 Fin la sposa del scoazzer
 Ga'l so bravo cavalier:
 E sta nobile Regina
 D'ogni piato de cusina
 Starà sola a muse suto?...
 No lo tegno, nò, da puto:
 Sarò mi,
 Sarò mi,
 U! Madam, Madam, ui
 Sarò el vostro protetor,
 Sarò el vostro adorator:
 Cussì el mondo vederà
 Che xe vero che se dà
 In amor la bela fiamma,

Che platonica se chiama !
 Eh , caveve , malandreti !
 Che bochini da zaleti ! ...
 Gnente afate , frustè via ,
 Che sta zogia (è tua mia).
 Vien qua , cara , vien qua ti ,
 Vien da mi ,
 Vien da mi .
 Vienme in sen ,
 Vienme in sen ,
 Che te vogio tanto ben ...
 Saldi , saldi che m'ingosso .
 No la pò ...
 No la pò ...
 No la posso mandar xo :
 Ahi , Tonin !
 To ... Tonin ,
 Vin , vin , vin ,
 Vin , vin , vin ..
 Cussi poco ? gran cocai !
 Tuto , tuto ste bocal ..
 Porta ancora , porta qua ..
 Porta qua ...
 Porta qua ...
 Via , via , via , son desgossà .
 Oh , che cara Comareta !
 L'à m'à fato una burleta ,
 Che mai più ghe la perdonò .

Si , cospetò de sior nono !
 Che d' credesta de preparazione
 Se pol'dar ! Guai se xelad
 Guai , pershrieffice elia e annun
 Se no trovo somariosi p' ab
 Oe , dove xela andada ? me
 Per dia ! la xe scampadona
 Ma nò , che la xe qua a
 Sposina , per pietà
 Mo via , muso , che piase ;
 Vien qua chè femo pase
 Che polenta xe questa ! che halsemo !

Me che vin ! mo che ambrosia , che netare !
 Mo che union ! mo che sposi adorabili !
 Mo che gusto stupendorazzissimo !
 Mo che gusto xe quel , che lo spera ?
 Mi , perini no lo trovo certissimo ,
 Mo che gusto stupendorazzissimo !
 Mo perchè no songio un'aquila ,
 Che vorave adesso - subito
 Trasportarli tati do ,
 Trasportarli fra i pianeti
 Ma , nò , nò ,
 Siori , nò ,
 No faria sta roba mai ;
 I pianeti
 Povereti !
 Resteria pregiudicai .

El gran fogo do custù
 Pareravese sol' più insù,
 La Belezza dè custia
 Luna, e stele eclisseria
 Dè qua, dè qua dè qua,
 Dè qua, per carità
 Oime! respira un poco,
 Vardè, se sol' un aloco
 Son stà quasi un menuto
 Sempre a gargato suto
 Ah! fradeli diletissimi,
 Che sposini! molto fervidi!
 Se sentissi in tel'mio stomego
 Che carezze che i se fa
 Mo che salti! mo che tombole!
 Che urtoncini che i me dà!
 Sì, caretì, sì, godevela
 El gran gusto che go mi!
 Ah, magari seguitasseli
 Zorno, e note a fai cussì
 Vardè, vardè, vardè
 Che bel color che go,
 E megio lo fardò,
 E megio lo fardò.
 Me sento, sì, me sento
 In fior de zoventù;
 Se me volè contento
 Dè qua chè buta sù...

Friulareto

Careto,
Beleto ;
Polentina ;
Carina ,
Belina ,
Via, che **balemo** ,
Via, che **saltemo** ,
Che se godemo fin domatina.
Puti , sonè,
Pute, cantè,
Sì , **sì** , **sí** , **sí** ,
Che balo mi .
Che balo mi.
E nio , **e nio** , **e nà** ...
E nanà ...
E nanà ...
Alto , là ...
Alto , là ...
Alto , digo, pofardia !
Che le gambe me va via.
Co sti soni ...
Co ... **cordoni** ...
Vardè qua,
Vardè qua,
Son in tera destirà !
Deme man ... **toleme su** ...
Su , **su** , **su**,

Su , su , su ,
 Mo co sgionfo ! mo co fiaco ...
 No capisso per dio baco ! ...
 No me posso ... sostentar ...
 To ... torneme a colegar ,
 E andè tuti via de qua ,
 Che sarà ...
 Che sarà quel , che sarà .

E L P A N.

Volè donca saver
 Qual sia quel alimento ,
 Che a l'omo in ogni età
 Xe più de giovamento ?
 L'afar xe tanto facile ;
 La cossa è cussì schieta ;
 Che vel diria , stè certi ,
 Infina dona Beta :
 Vardè , ve servo in bota ,
 Senza , pensarghe su :
 El Pan , fradelli cari ,
 El Pan xe giusto lu :
 Senti sta sola prova :
 Andè a qualunque tola ,
 Lassè , che la sia piena
 De cibi , che consola :

Questi peraltro sempre,
 Sempre no i xe l'istessi;
 Ancio ghe dei caponi;
 Doman ghe xe dei pessimi;
 Ma el Pan xe sempre, hanno
 Cossa vol dir imb queste?
 Che'l Pan sempre ghe vol,
 Che un soprapiù xe d'reno;
 Ma sento che disè;
 E i vecchi despossenti?
 E i poveri bambini?
 E quei che no ga denti?
 In cossa ve perdeu?
 Par che siè nati geri;
 Grateghelo, perdio!
 E deghelo a sculieri.

C A N Z O N E T A.

Nina stufeta

Del mio conteguo,
 Piena de sdegno,
 Parla cussì:
 Amigo caro,
 De cuor vel digo,
 Vu sè un intrigo,
 No fè per mi.

Un zonpo gerì
 Savio, e' pulito,
 E assae coimpito,
 Pei a verità.
 Ancud, credelò,
 Sè bontrafato;
 Afato, afato,
 Versè muà.
 Gavè po' a zonta
 El bel vizieta
 Del boccaleto,
 E ve lode.
 Se ve vedessi
 Co avè bevù,
 Sè un turlulù,
 Che stomeghè.
 Inteso el tutto,
 No me confondo;
 Ma ghe respondò:
 Sia pur cussì.
 Mi no lo nego,
 Assae ve stimo;
 Ma el vin xe'l primo,
 Che stimo mi.
 La mia salute
 Da lui conosso;
 Più che'l xe grossso,
 Più stago ben.

Ma se anca bevo,
 Bevo a misura,
 E go paura
 Del goto pien.
 Ma, se anca bevo,
 Bevo del mio
 Corpo de sbrio!
 Voi seguitar.
 Ve servo donca,
 E vago via,
 Bondisioria ...
 Se pol mo dar!



I TRE SPIANTAI.

O T A V E.

Essendo un dì al passegio in compagnia
 Un Conte, un Avocato, e un Zogelier,
 El Conte salta su: corpo de dia!
 Son sempre alean con tuto el gran mio avei
 L'Avocato sogiunze: vita mia,
 Semo compagni; e sì, mi go un mistier
 Da tesorar; e dise el terzo ancora:
 Più che guadagno più vago in malora.
 Cossa, che sia sta roba po' nol so;
 Ma qua ghè sconto certo qualche intrigo,
 Più che laoro maneo mi ghe n'do,

Go manco bezzi, più che me sfadigo :
 Saveu mo , puti , cossa che farò ?
 Quel che m'ā consegia un bon amigo :
 Me porterd doman da fra Vidal ,
 Che per consegj non se dà l'ugual .

El Conte, e l'Avocato salta su :

Amigo caro , no ne abandonar ,
 Permeti , che vegnimo là anca nu ,
 Per veder che 'l ne possa consolar .
 Andemo in bota , el ghe responde lu ;
 E tuti tre i se taça a caminar ,
 E in manco d'un'oreta i xe in quel sito
 Dove ga el so tugurio l'Eremito .

I bate ; e lu risponde , chi va là ?

Amici boni , i dise tuti tre :
 Chi diamberne mai seu , per parità ?
 Sogiunze el Frate , presto via , parlè ;
 In breve d'ogni cossa el xe informà ,
 E 'l ghe risponde come sentirè ,
 In enigma , perchè cussì l'usava
 Parlar con tutti quei , che 'l consegiaava .

Pronuncia donca el bon servodedio :

Per vu sior Zogelier ghe vol un legno ;
 E voltà al'Avocato : e a vu , ben mio ,
 Manco chiacole digo , e più contegno ;
 E vu , caro el mio sior Conte sbasio ,
 Leveve su a bonora , e ve mantegno ,
 Che se fè talequal se fortunai .

V'ò dito tutto qualtos Adio, spiantai
 El Conte, el Zogelier he l'Avocato,
 Senza più bater bèco, s' volta via,
 Disendo tuti tre: mo che Ebatato,
 Mo che tratar xe el soo p'sangue dé dia.
 Che bela cossa mai gavemio fatto?
 A far cussì a penini quattro mia?
Manco chiacole, legno, su a bonora?
 Cossa vol dir sta roba int so bonora?
 Ma l'Avocato a forza de pensar
 A capio, ch'el Romito xe un portento.
 In renga lu no fava che sbragiar,
 Saltando sempre sforz d'argomento;
 Per cossa mo? per no voler studiar;
 Ma come el gera un onto de talento;
 El s'è messo ala via, e int'un sol mese
 L'è deventà dei primi del paese.
 El Conte prova alzarše una matina
 Sul far del dì, e avertò el so balcon,
 El vede vegnir zo dala cusina,
 El cuogo co un belissimo capon,
 El canerier co un galò, e una galina,
 E'l so lachè co un fiasco de vin bon;
 El li sorprende, el ciga sul momento.
 Intendo dell bon frate l'argomento,
 Anca el nostro gramazzo Zogelier
 A capio, che l'Romito xe un ometo
 El gavea per disgrazia una muger,

69

Chetuto el di mandava roba in ghete;
Ma faancuo, fa doman un talmistier.
Perdia che se n'a assorto el bon cucheto;
E doperando a gradi un bravo legno,
El l'a messa ada fio sul bon contegno.
Saveu quanti ghe n'è de tale quali,
Che xe pitochi, e che no i sa perchè;
Che ga la testa simile ai cocali,
Che se fida de quanti, che ghe xe,
Che tardi se ne acorze dei so mali,
E tardi i va zigando: oh, dio! oimè!
Ma rimedia no ghè per el so mal,
Perchè più no se trova un fra Vidal.

PER UN CELEBRE PRÉDICATOR

M A D R I G A L.

Padre, ve servirò,
Ve lo prometo mi, no parlerò;
Solo me sia permesso...
Taso, gavè rason, perchè d'promes-
Ma se ànca taso mi, (so.
Za che la mia desgrazia vol' eussì.
Cossa mai vadagneu? conteme su;
Se tuti, e tuti parla ben de tu.

EL ZABAGLION

Momola , ch' è che bâte ?..
Dasseno la mia Ninâ ?
Ghe vaga in contrô Cate ,
E fermite qua ti .
Dà qua , la mia velada ..
Tireme su i cavei ...
Dame una scovolada ..
Basta , va ben cussi .
Mo che regalo è questô ,
Cara Nineta mia !
Ola regazze , presto ,
Tireghe zo el zendà ...
Dediana , se pol dar !
Sempre gavè ste pressê ..
Oh , no me fè inquietar ,
Fermeve un poco qua .
Da brava , svelta , Momola ,
Tiò vinti vovi , e sbateli
Con del perfeto zuchero ,
E diese goti , o dodese
De late squisitissimo ,
E fame a fogo languido
El solito bruetin ,
Zontandoghe do cugnoli
Del megio maraschin .
Sì , Nina amabile ,

Nina adorabile,
 Voi darve un Zabaglione;
 Chè al mondo no ghè guente de più bon
 Sì, zogia, sì,
 Credeme a mi,
 No ghè vivanda,
 No ghè bevanda,
 Cara Nineta,
 La più perfeta.
 No ghè carnami,
 No ghè osełami,
 No ghè brancini
 No ghè ristori,
 No ghè xe vini
 No ghè liquori
 No ghè vivanda,
 No ghè bevanda.
 Cara Nineta,
 La più perfeta ...
Mo brava ! mo brayissima !
 Ti è una gran dona, Momola,
 Mo caro, mo carissimo !
 Nina ! tastèlo subito ...
 Ve valo ben ? disemelo ...
 Sì, go piaser, beveghene,
 Chè più, che bevarè,
 Più bon lo trovarè ...
 Via, che te pustu !

Cossa xe sfà?..
 Ch'el vegna quà ..
 Amigo, adio ..
 Oh, pofardio!
 A mi un fasan?
 Questa xe granda!
 Chi me lo manda?..
 Monsù Loran?
 Ben, ringrazielo;
 Bondì, fraðelo.
 Qua, Nina mia, vien sempre dei regali,
 Ma sempre, sempre, sempre talequali.
 Mo percossa no me mandeli
 O dei vovi, o del bon zuchero,
 O del late, o del rosolio,
 Che, per dir la verità,
 Ghe saria tanto obligà?
 I cibi solidi,
 Nineta amabile,
 Xe contrarissimi
 Ai vecchi, ai zoveni ,
 Xe necessario ,
 Che chi li dopera
 Tanto li mastega ,
 Che denti, e gramole
 Se ghe desbussola ,
 E che el so stomego ,
 Povero diavolo ,

Sia del contínuo
In esercizio,
E mi li abomino,
E go giudizio.
Benedeti pur i fluidi!
 I va in bota in tel ventricolo
 Senza darve alcun fastidio;
 I fa un chilo perfetissimo;
 I fa un sangue, che xe un balsemol
 Ma, no tuti, no tutissimi,
 Che ne soarto più de quindese;
 Che xe fredi, che xe inscipidi,
 Che xe amari come el tosegol,
 O par dolci, che i ve stomega,
 Che ve fa tanto dé panza,
 Senza darve mai sostanza.
Amo i fluidi spiritosi,
 Odorosi,
 Sostanziosi,
 Come i vini,
 L'acqua vita,
 I rosolini,
 E i liquori oltramariini;
 Ma senza paragon
 Xe'l primo mio möroso el zabagion...
E mi bevo el zabagion;
 Che me tien alegro, e sah
 E più forte d'un vilan
 Mo che cossa prelibata

Tasè là , che ciocolata ?
 La ga drento tropo zuchero ,
 La ve fa la boca inscipida ,
 La ve move ruti e flati ,
 La fa farve tropi fati ;
 Ma , se tanto la ve piase ,
 Ve la lasso in santa pase ...

Siora nò , gnanca i sorbeti ,
 I fa un fredo che i desternaia ,
 I fa mal ai denti , al stomego ,
 Al polmon , a tuti i visceri ,
 Ghei consegno al arcidiamberne ,
 Che'l li porta a cafurlon ,
 E mi bevo el zabagion .

E mi bevo el zabagion
 Sia d'inverno , sia d'istà ,
 Perchè a tute le stagion
 Lu soleto xe adatà .

Gaveu caldo ? lu ve sora .
 Gaveu fredo ? el ve restora .
 Gaveu fame ? el ve nutrisse .
 Gaveu mal ? el ve guarisse .
 Guai ! se ognun lo conosesse .
 Guai ! se tuti ghe ne avesse ,
 Schiao patroni , Siori Medici ,
 I farave pochi ruspi ...

Ma , cospeto !
 Son stufeto ..
 Mo , sì , cara , perdonò ,

No voi più , che me sechè ..
 Sì , tegnive anca el sturion ;
 E lasseme el zabaglion .

Sentì , Nina , vu sè bela ,
 Vu sè un fior , vu se una stela ;
 Ma più bela , e più vezzosa ;
 Ma più fresca d'una riosa
 A momenti vu sare ;
 Zabaglion , e vederè ..

Cossa diamberne diseu ?
 Mi son belo ? tasè là ,
 Se mi fusse belo , guai !
 Guai ! da seno in verità .
 Saveu cossa voria far ?
 Voria tute inamorar
 Quante done ghe xe al mondo .
 Ah , perchè ? perchè rason ?
 Per far , che tute beva el zabaglion .

Vederessi , che musoti !
 Che brazzoti !
 Che colori !
 Che salute !
 Le più grime ,
 Le più brute
 Saria tute una bellezza ,
 E vel digo
 Ben d'amigo ,
 E con tutta la fermezza .
 Nol sarave un bel piaser

A vedèr
 Certe Vechie cole crozzole ;
 Ma che giera un dì sveltissime ,
 Modernissime ,
A trincar el zabagion ,
 E tornar sul primo ton ?
Qual sorpresa ve faria ,
 Disè su , Niñeta mia ,
 Se vedessi una regazza ,
 Poverazza !
 Nata bruta ;
 Ma de quele , che rebuta ,
 Che bevendo sto bruetin
 Deventasse un zensamin ?
Oh , insoma , insoma un Netare
 In tuto a questo simile ,
 Nò , Nina diletissima ,
 I Numi no lo ga :
 Mi sì ve ne dardò ,
 Quanto , che mai volè ...
 Tolè , cara , tolè ...
 Crudel ! lo refudè ?
 Pazienza ,
 Soferenza
 Lo bevo tuto mi
 Uì , Madam , Uì .
Ah , se fusse un gran Signor
 Pofardia !
Ve lo digo ben de cuor ,

Mi vorave in casa mia
 Tanto late,
 Tanto zuchero, e rosolio
 Quanto tien tre case mate.
 E po tanti vovi, e tanti,
 Tanti, quanti
 I poeti ghe n'à in testa,
 Per poder far su ala presta...
 Su ala presta ...
 Cossa mo? per carità!
 Con chi mai mi parlio qua?...
 Pofarbaco! xela bela?...
 La mia Nina dove zela?..
 Dove xe Catina, e Momola?
 Se pol dar le pezzo femene?
 Se pol dar pezzo insolenza?
 De impiantar me qua soleto;
 Ma, pazienza!
 Ghe faremo su un soneto.
 Zabaglion, mio tesoro, vien qua,
 No me far st'asenada anca ti:
 Zabaglion, Zabaglion, per pietà
 Resta, caro se-sempre con mi.

L' OMODEMONDO.

Omodemondo vu?

Oh, questa no l'inghioto,
 E se'l disè dasseno,
 Per criso, che sè coto!
 L'omodemondo è un ente:
 Afato imaginario,
 Stè certo, caro Toni,
 Lo digo, e no zavario:
 L'Omodemondo è quello,
 Che è pien de convenienza:
 Che adopera el saver
 Unito alla prudenza:
 Che a vincer le passion
 A' principià da puto:
 Che è sordo co bisogna,
 E co bisogna muto!
 Che mai se fa prezioso,
 Nè mai se tien in bon:
 Che cerca de trovar ghe
 In tuti un fià de bon:
 Che a tuti ghe dà el sooo:
 Che parla poco, e giusto,
 Ch'è sempre quel'istesso,
 Anca col xe in desgusto:
 Che no cura i tesori,
 Ma 'l necessario sprezza:

Che fuge la gran moda ,
 Benchè nol la disprezza :
 Che mai se vede in colera ,
 Nè mai de mal umor ,
 Se nò quando i lo toca
 Dasseno su l'onor :
 Prerogative tali ,
 Che fa , che tuti el brama ,
 Che fa , ch'ognun lo stima ,
 Che tuti quanti l'ama .
 Ma dove xelo mai
 Un omo cussì fato ?
 Se ve metè a cercarlo ,
 Perdia ! deventè mato .
 Dei omeni de sesto
 Che n'è per tuto el mondo ;
 Ma el sesto solamente
 No fa l'Onedemondo .

N O V E L A.

Una certa Donzelona ,
 Rica nò , ma zentildona ,
 Che viveva sola , e quieta
 Con un cuogo , e una serveta ,
 Una sera vol andar
 A trovar una regazza ,
 Che ghe stava squasì in fazza .

Ma, voltada apena via,
Dise Toni ala Maria :
Che se femo i macheroni ?
Fali pur , ma che i sia boni ,
La risponde , mi son quâ :
I va donca in buratina ,
E i se tol dela farina .
In t'una supio i l'à stampai .
E ben coti , e informagiai
I li à messi in t'una squela ;
Ma sentì che cossa bela ,
Veramente strabelona !
La Parona bate in quello ...
Pensè vualtri che bordelo !
Cossa mai fa alora el cuogo ?
El li sconde in t'un bel logo ...
Crederessi ? el furbo comoda
Quela squela in tela comoda ,
E fratanto la Maria ,
Che , per dia ! xe mezza morta ,
Core averzerghe la porta .
La Parona vien de suso ;
Ma più testo eo del muso ,
E la core senza chiaro ...
Sentì pur , che caso raro !
Sula comoda , fradei ,
Aimemei ! la ciga in bota ,
Perchè el cesto la se scota .
Mo che sorte maledeta !

Va disendo la serveta ;
 Ma sicome la xe dona ,
 La fa vista sta furbona
 De intoparse , e de cascar ,
 Per stuuar eussi el feral ,
 E la ziga : oh, dio, che mal ?

La parona , poverazza !

Che ghe crede a sta furbazza ,
 Ghe va incontro , e giusto in quelo ,
 Pronto Toni , ma belbelo ;
 El s'acosta al contrabando ,
 E zigando : cossa è stà ?
 El lo porta via de là .

Dopo el ride che 'l se strangola ,
 La Parona in tela zangola
 Va vardando , e no ghè gnente :
 Come xe , mo sto acidente ,
 La se taca a predicar ...
 Se pol dar ? mo che dolor !
 No go più provà el magior .

Mo che mal ! che mal xe questo ?
 Caro Toni , via , fa presto ;
 Presto , catime un dotor ,
 Chè l'angossa me va al cuor .
 Vago , el dise , vago subito ,
 E in t'nn subito el xe là ,
 C'un chirurgo dotorà .

Questo prima fa el so ofizio
 Con prudenza , e con giudizio ,

E po'el dise francamente :
 Questo , è fogo certamente ,
 Ela, Siora, s'à scotà ...
 Vardè quà , che vissigoni ,
 I par tanti macaroni !

Fogo nò , mì son segura ,
 Questa xe una macaura ,
 La responde m'd sentà
 Troppo in pressa , e m'd maeà :
 Sior dotor la vaga in pase ,
 No me piase el so progeto .
 Guarirò c'un mio secreto .

La lo paga nonostante ,
 E la core in quel istante
 A butarse , e la se quieta :
 Toni in tanto , e la serveta
 Ride a spale dei sieconi ,
 Balordoni de Signori ,
 Che ghe crede ai servitori .



EL TORNIDOR;

O T A V E.

Un Tornidor famoso tabacon ,
 Che magnava el tabaco come el pan ;
 Ma sempre a scroca , e senza discrezion .
 A messosu botega un dì a Muran

In fazza d'un spicier cortesanon,
 Che butava le bave come un can,
 Perchè sto bon vicin ghe fava guera
 Continuamente a la so tabachiera.

Dala matina in fin la scura note

El povero spicier gera assedià
 Dal nostro Tornidor seea balote,
 Ch'ogni minuto, e mezzo gera là;
 Nol dava sul so torno diese bote,
 Ch'el tornava in lezion come, che va,
 Tanto, che'l bon spicier colà so spatola
 No fava, che zontar tabaco in scatola.

Coss'ogio mai da far? el dise un dì,

Parlando col fachin, che tamisava:
 Col Tornidor la seguita cussí,
 Bisogna, che mua posto, e che me cava:
 El m'à svodà sto vaso in quattro dì,
 Ch'al manco un bon meseto el me bastava;
 Ma salta su el fachin, gnente, paron,
 Ve leverò da torno sto moscon.

Basta, che permetè, mi vago in bota

A maromi de gato in magazen,
 Li meto in forno in fin che i se biscota,
 E dopo in tel morter li pesto ben;
 Che unisso del tabaco alà paulota,
 Del senape, del pevere, e del cren,
 E fazzo un per de lire de tabaco
 Da consolarghe el naso a quel bislaco.
 Mo bravo el me Martin! va ben assae,

Dise el paron, va chè no vedo l'bræ
 De liberarmelo dele gran secae.
 Che me dà quel canagia bruta, e fora:
 El bon fachin va, e torna in do svolæ,
 In poco più voi dir d'una mezzora,
 Con quel tabaco de stupendo odor,
 Per farghe un regaleto al Tornidor.

Fratanto el galantomo se avicina,
 Disendoghe al specier: per carità
 La prego d'una mezza presetina,
 Chè'l mio povero naso xe arsirà.
 Aspetta sì, canagia beretina!
 Dise el spicier sot'ose, e po el ghe dà
 Quel tabaco, col pato, chè mai più
 Nol vaga in vita a tabacar da lu.

Contento el va al so torno, e col xe là
 La polvere preincipia a far l'efeto:
 El chiama so mugier; Cate, vien quâ,
 Pareme via sto gato maledeto,
 Chè in qualche logo certo l'à isporcà,
 O almaneo, almaneo l'à tirà un gran peto;
 Ma la dona ghe dise: vu sè mato,
 In casa nostra no ghè stâ mai gato.
 No ti ga naso, seimpia! el salta su,
 Varda per tuto, chè senz'altro el ghè...
 Senti, che peste! mi no posso più,
 Se no gavesse po sto bon rapè!
 La dona ghe responde: vardè vu,
 Chè mi ve torno a dir, che no 'l ghe xe;

Ma lu continua: varda ben, talpona !
 Chè questo è odor da...meola bela, e bona;
 Sta sonica à durà per un pezzeto,
 In fin che quel tabaco è stà fenio;
 Ma el nostro Tornidor, vero cucheto,
 D'esser sta minchionà mai l'à capio :
 El se tegniva ben el naso stretto,
 E ogni tanto el diseva: pofarsbrio !
 Che peste buscarona xe mai questa,
 Che no me lassa star gnanca la festa !
 Ma fenisce el tabaco, e 'l tristo odor
 Insieme col tabaco l'abandona :
 Sorpreso de sto fato el Tornidor
 Se porta in bota dala so parona,
 Disendoghe: el delirio traditor,
 Che no me ne vol dar una de bona,
 M'à messo sotto el naso el so dadrio
 In fin ch'el bon tabaco è sta fenio.
 Scroconi temerari quanti sè,
 Che ghe somegia al pòvero burlà
 Mantegnui de tabaco, de cafè,
 De vin, e .. che soi mi ? dala cità,
 Da bravi, da sta favola imparè
 A tratar c'un pocheta de onestà ;
 Altrimenti, per diana ! che dai, dai,
 Un zorno, come lu, sarà burlai .

L' INSONIO.

Quando m'insonio
 De quela bela .
 De quel'amabile
 Ortolanella ,
 Che vende bocoli ,
 Latughe , e brocoli.
La trovo docile ,
 La trovo amiga ,
 Par , che la spasema ,
 Che la me diga :
 Per ti soleto
 Mi sento afeto .
Etuta fervida ,
 Tuta tremante ,
 Che la me cocola
 In quel istante
 Con certa grazia ,
 Che mai non sazia .
Ma quando Fosforo
 Ne porta el zorno ,
 E che solecito
 Ghe coro intorno
 L'Ortolanella
 No xe più quela .

I SOLI QUATRO VERSI, CHE L'AUTOR
A' IMPROVISA" IN VITA SOA.

No ghè gnente de più amabile
De tì, mia cara Nineta,
Ti xe piena de grazieta,
Ti xe bela quanto un fior;
No ghè gnente de più tenero,
Cara Nina, del to cuor.

Ti xe colta, ti xe savia,
Ti è impastada de talento;
No ti è dona, tì è un portento;
Ma de quei, che fa stupor;
No ghè gnente de più fervido,
Cara Nina, del to cuor.

Ti xe ti la bela gnognola,
A Minerva tanto afeta,
Ti è la sola mia dileta,
Ti xe l'unico mio amor;
No ghe gnente de più candido
Cara Nina, del to cuor.

P E R A L T R I.

MADRIGAL.

Perchè no son poeta
 No posso mo anca mi far qualcosseta ?
 Oh , tuti riderà :
 Magari , saria tropo fortunà .
 Caro Don Marco mio ,
 Che sieu tremile volte benedio !
 Credèlo , in sto bel dì
 No ghè l'uomo contento più de mi :
 Perchè rason , dirè ?
 Perchè ve vedo prete , e po' perchè
 Son certo , anzi me par d'averla in man ,
 Che quando vu crepè , crepa un Piovan .



EL BORDELO DEL PARNASO.

Apena sento a dir , che Sicr Tonin
 Xe per farse Dotor de medicina ,
 Siccome l'd adorà fin da putin ,
 Perchè el gera una cara creaturina ,
 Stabilisso de farghe un Sonetin ,
 Un Madrigal , o pur 'na canzoncina ,
 Per mostrarghe col fato , che'l mio cuor
 Per lu xe pien de stima , e tuto amor .
 Me taco donca la chitara al colo ,

E come che de far son consuetò,
 Quando voi butar zoso a rompicolo
 Versi più petitosi del sguazzeto,
 Invoco la mia Musa, e'l Sior Apolo,
 Perchè i me daga un'estro benedeto;
 Ma posso ben chiamarli, chè sta volta
 Sti cani senza pelo no i m'ascolta.

Co me vedo int' sto modo abandonà,
 E, che più che li chiamo, manco i vien,
 Me taco a pianzer come un desperà,
 E spaco la chitara dal velen,
 E a segno dalla rabbia son orbà,
 Chè li mando de euor a far del ben
 E ghe ne digo tante a tuti do,
 Chè no fe tirerave un pèr de bo!

Co ghe n'dò dito proprio a più no possò,
 Me buto sul mio leto a traverson,
 S'un leto, che xe duro quanto un osso;
 Ma che, secondo mi, no ghè el più bon:
 A pena coleghà trovo reposso,
 E me taco a dormir come un poltron,
 E fazzo un insonieto cussì belo,
 Chè al mondo no go fatto so fradejo.

Me trovo, che beveva a una fontana
 Che da un bel monte scaturiva fora,
 Un'acqua d'un tal gusto, e tanto sana
 Chè saria là che beverave ancora;
 Ma la mia sorte perfida tirana,
 Che no vol, che respira una mezz'ora,

go

Fa, che senta là intorno un gran sussurro,
E drio d'un lavraner cora al seguro .

Me muchio donca là come un sorzeto,
Che sente el gato , che lo vol cucar .
E come un fantolin fatto baeto ,
Per no esser visto , e per poder vardar ;
Ma in quelo salta fora da un boschetto
Una Signora in ato de criar ,
E in seguito diverse so compagne ,
Che urlava tute quanto come cagne .

Oh bela ! digo alora fra mi stesso ,
Che razza de creature india volae !
Ma intanto le me vien tute da presso ,
E le par proprio tute ispirite !
Digo la verità , mi dal bel sesso
No ò mai più sentio a dîr le baronae ,
Che diseva ste Siore ; e che cospeti !
Altro che i barcarloï dei traghetti !

Chi mai che sia ste done ? vel dîrò ,
Abile pazienza un poco ; saù perchè ?
Perchè in adesso gnanca mî nol so !
Ma spero , che a momenti el savare ,
Le rechie , e i ochi tanto tixerò ,
Fina che capirò chi mai le xe ...
Ma ziti ... posfarbaco , che bel caso !
Le xe le Muse , e mî son in Parnaso .

Le xe le Muse , e mi go tanta fufa ,
Che no ò bu la compagna in vita mia :
Le Siore Muse adesso se petufa ,

Né mi da dove son posso andar via;
 Vicin a mi se incalza la barufa,
 E guai! se le se acorze che ghe sia ...
 Oh, povereto mi! mo perchè mai
 Sto bel logo xè pien de tanti guai?...

Eviva, ò capio tuto, el Sior Tonin
 Xe lu el motivo de sto gran rumor.
 El so talento raro, e soprafin
 Unito a un tal saver, che fa stupor,
 Fa che le Muse, ma col pofardin,
 Contrasta fra de llore el bel onor
 De cantar le so glorie in sto bel dì,
 E tute va zigando: toca a mi.

E, co' sto toca a mi, le se bastona,
 E ghe toca el so giusto a tutte quante:
 Chi no à visto la rabbia dela dona,
 No à visto un orso in furia, un elefante:
 Le giera drío a coparse: massabona,
 Che ariva el Sior Apolo in quel istante,
 Che ghe dise: fenila là, petegole!
 Se no ve fazzo el cesto in mile fregole,

Da quando in qua s'à inteso sto bordello.
 In sto nostro retiro sacrosanto?
 Seu deventae donate de campielo?
 Ma quele no xe bone de far tanto...
 Me vien vergogna d'esserve fradello...
 L'aveu imparà da nivo: sto bel canto?
 Ma le Muse se buta in zenochion,
 Pregandolo ascoltar le so rason.

Zito là , temerarie ! so anca mi ,
 Responde Apolo tuto rebufà ,
 Perchè rason ve maltratè cussì ;
 Ma sta rason più ree tute ve fa .
 Coss' è sto toea a mi ? no toca a tì ?
 Ne toca a tuti quanti , chi nol sà ?
 La fama d'un Dotor cussì valente
 Vol , che tuti cantemo unitamente
 Senza più intardigar tuti s'accorda ,
 E i canta , e i sona come desperai
 Tanti istrumenti e da fià , e da corda
 Che vel dirave , ma no i ò contai :
 So ben , che go una rechia ancora serda ,
 E che quel canto no feniva mai ;
 Ma l'ò fenia ben mi , chè m'ò cavà ;
 E apena voltà via me son svegià .

C A N Z O N .

Nina mia , son fatò vechio ...
 No , ti disi ? cara tì ,
 Varda un poco mo sto specchio
 Eu me dise un bel de sì .
 E po , via , perchè rason ,
 Che sia vechio te despiase ?
 Se anzi mi son contenton ,
 Sta segura , date pase .
 Se a chi è vechio d' esser tal

Ghe xe noto veramente,
L'esser vechio no xe un mal,
Anzi un ben precisamente.

La vechiezza , Nina mia ,
Xe da tuti rispetada ,
Xe da tuti compatia ,
Xe da tuti carezzada .

Se mai casca un zerbineto ,
Ognun ride , e lo minchiona ,
Se al'oposto el xe un vechiote ,
Lo compianze ogni persona .

La se vede ogni momento :
Se ghè un vechio fra la zente ,
De chi è 'l primo complimento ?
Del bon vechio certamente .

Ti dirà , ma tuti nò ,
No i xe tuti rispetai ;
Mi li vedo , mi lo sò ,
Se ghe n'è de sbufonai ,
Sbufonai ? ma quai ? di' sù :
Quei , che mai vol far giudizio ,
Che no vol fenirla più ,
Che crepar vol col so vizio .

Oh , se fusse talequal ,
Te daria rason sul sodo ;
Ma sicome no son tal ,
Dime vechio , chè me godo !

P E R N O Z Z E.

V E R S I D I T I R A M B I C I.

Permetele , Signori ,
 Che un so bon servitor
 Se fazza un passo avanti
 Per riverirle tuti , tutiquanti?..
 Oh , cazzo , che bel cipro !
 No falo proprio vogia ?..
 Graziete , Paroncina ;
 Che amabile sposina !
Varda , che bei putini !
 Dè qua do gotesini ,
 Chè i beva povereti .
 Mo cari sti cosseti !...
Come , percossa nò ?
 Percossa oibò , oibò ?
 La scusa , mia Signora ,
 La 'l creda , siora Dora .
 Questo no ghe fa mal .
El xe un vermifico ,
 El xe un febrifugo ,
 El li fortifica ,
 El li vivifica ,
 El li consola ,
 El fa che i svola .
 Chi vol un bel putelo ,

Lo tegna sempre arente al caratelo.
 Mia Mare , povereta ,
 Invece dela teta ,
 Me dava del bon vin ,
 E ben che fato vecchio ,
 Quando me vardo in specchio ,
 Me trovo ancora, ancora fantolin .
Oh, bravo el mio Matio !
 Sieu tanto benedio ! ..
 Cospeto , mo cospeto !
 Questo xe picolite del perfeto ..
Cossa vorle , per pietà ! ..
 Ah, le vol che fazza un prindese :
 Xe ben giusto , sì , son qua ,
 E ghe'l fazzo cordialissimo .
Viva i mi Alessi amabili
 Con tuti i so parenti ,
 E l Ciel sempre benefico
 Li colmi de contenti ,
 E inoltre ai Sposi fervidi
FRANCESCO, e MARIANETA
 Ghe dona un pèr de bamboli ,
 Che i genitori aleta ;
 E a quanti ghè in sto circolo ,
 E che me ascolta adesso ,
 Ghe daga el Ciel propicio
 Quel , che voria mi stesso .
 Olà , sieri , cossa fèu ?
 Dove andèu ? ...

A Galiera?

Se a momenti semo a sera !

Vegnerò; ma, adesso in bota ? ...

Non son minga una marmota;

Perdoneme, resto qua,

Fin che ghè sta rarità ...

Vegno, vegno, fè tacar,

Me faressi tarocar.

Ma, se resta sta botiglia,

Qualcheduno se la piglia ...

Oh la porto via con mi ...

Son qua, sì, son qua, son qua,

La gran pressa, che le ga.

Cospetazzo! che cavai !

Xeli gnanca beverai !

Alon, alon, alon ...

Trotrò, trotrò, trotrò;

Ma la gran sè, fradei,

Xe quela, che mi gò;

Bevo, se permetè ...

Via, via, tasè, tasè,

Chè l'd svodada ;

Vardè, che gran cazzada,

Una botiglia al fin cossa po' xela ?

La tien al più 'na squela ...

Oh, cospetton, vardè, semo a Galiera,

Via, puti, desmontè, a tera, a tera .

Varda, varda che palazzo !

Che zardin stupendonazzo !

Che viali! che stradoni!
Che spaliere! ch'alboroni!
Mo che agrumi! che cedrere ...
Tasè là, no vòi peschiere ...
Siori nò gnanca fontane,
Che le staga pur lontane ...
No voi aqua, pofardio!
La me fa cascar in drio!

Sì, solamente a vederla,
Ve zuro, me vien mal:
Sia pur benedetissimo
El sugo del bocal!
Co go del vin in stomego
Son forte come un diavolo,
Un omo el più teribile
Me par alora un piavolo.

Ma se mi mai cascasse
Per caso in qualche fossó,
O che qualcun me trasse
Un goto d'acqua adosso,
Perdo cussì el cervelo,
Resto cussì copà,
Chè tremo d'un putelo
A pena deslatà.

Graziete, Sior Checkin.
Chi mai v'à dà stò vin?..
Cospeto, che vinon!
Lo trovo molto bon,
Lo trovo molto suto:

Vu za mel permetè ch'el beva tuto?...

Eco, che l'ò fenio...

Ma, odio! odio! odio!

Odio, che me vien mak!

Ma-mal-ma-mal-ma-mal ...

Sposina amabile,

Mo che vertigini!

Che mal de stomego!

Vardè, se tremolo,

Se tuto bagolo ...

Qual xe l'origine,

Su via, disemelo,

Dei mali perfidi,

Che cuor, e vissere

Cussì me lacera?...

Vel dirò mi,

Sentì, sentì.

Questa xe l'aria

Piena d' umori

D'aquei vapori,

Che ò respirà.

Quante peschiere,

Quante fontane,

Quante cavane

Ghe xe mai qua?

Odio! scampemo,

Presto coremo,

Andemo, andemo,

Per carità!

Trutrù , cavai ,
 Via , Toni , dai ...
 Ma-ma-ma-mai
 Più torno qua .



LE SMANIE DE NINETA

PER LA MORTE

D E L E S B I N.

Lesbin , Lesbin , te , te ,
 Caro! vien qua da mi , vien qua , Lesbin ...
 Mo via , Lesbin ... oimè !
 Cossa che gabbia ancuo sto bestiolin ?
 No l'ò visto mai più cussì svogjà ...
 Voleu veder ? ... senz'altro el xe amala .

E come , le mie vissere !
 Vardè se 'l cuor ghe palpita ,
 Se i so lavreti tremola ...
 Che ochieto torbio , e languido ...
 Che pelo dreto , e ruvido ...
 Che convulsion ... che spasemo !

Oe , Checo ... Toni ... Giacomo ...
 Gran servidori perfidi !
 Seu tuti a ca del diamberne ...
 Mo via , malegnazzissimo !
 Destrighite , sassin !

Va là , eori dal Medico ,
 Dighe che 'l vegna subito ,
 Chè xe amalà Lesbin .
 In tanto ti , Catina ,
 Sbati quel stramazzeto
 Per farghe el so cuzzeto ,
 E dopo va in cusina ,
 E scanighe un eapon ;
 Ma varda che 'l sia bon
 Da farghe del restoro ;
 Te pago un cordon d'oro ,
 Se 'l mio Lesbin no mor ...
 Mo bravo ! ma da seno , el mio Dotor .
 Dotor mio , la gran disgrazia !
 S'à amalà el mio cagnoletto ,
 E pur tropo me l'aspetto ,
 Che sta volta el morirà ...
 Feghe pur quel , che ve comoda ,
 Ordineghe a larga ciera ;
 Ma nol dura fin sta sera ...
 Nò , credèmelo , Dotor ...
 Mo che mana ?.. che riobarbaro ? ..
 Che gialapa , mo che sena ?
 Droghe tute , che veleno ,
 Che Lesbin no le pol tor ...
 Cossa xe ino sto clistier ?
 Voleu dir un servizial ? ..
 Me faressi vegnir mal
 Co sti termini da catreda !

Olà , Toni dal Spizier
 Chè 'l te daga sto decoto ...
 Via , camina , xestu zoto ?
 Gate , portime el schizzeto ...
 Gran marmota ! el picoletto ...
 Quelo , quelo , bruto sesto ! ...
 Ma , protesto , la gran tosse !
 El gran mal che 'l ga in tel peto !
 Povereto ...
 Pevereto
 Lesbineto ...
 Vita mia , le gran angosse !
 Malegnazzo Spizier ! quanto mai stalò
 A far quel pochetin de decozion ?
 Checo , cori , va là , movite , palo !
 Digheche 'l se destriga quel poltron .
 Zito , che Toni è quà ...
 Presto , per carità !
 Catina , el servizial :
 Dotor , no ghe fè mal ,
 Metèghene pocheto ,
 Metèghelo adasieto ...
 Stà quieto , vita mia ,
 Chè 'l mal te andarà via ...
 Mo bravo ! me contento ,
 Dotor vu sè un portento !
 Co presto ! co pulito !
 Chi l'averia mai dito ?
 Oh , povera bestiola !

Senz' altro el mal ghe mola ...
 Nol vedo più a missiarse,
 Nol sento più a lagnarse;
 Voi darghe giusto un baso ...
 Perdia !... ghe saria caso !
 Oh, dio ! che bruti sesti !
 Catina, Toni, presti.
 Mo via, agiutèlo, oh dio !
 Dotor, per carità !
 Caro Lesbian, cuor mio,
 Caro mio dolce amor ...
 Ah ! che no ghè più tempo,
 El mio Lesbian xe morto ...
 L'è morto ... sì, l'è morto,
 L'è morto, sì, Dotor.
 Ah, sorte crudelissima !
 Che colpo xe mai questo !
 Catina, Toni, presto,
 Presto chè me vien mal ...
 Cossa ... cossa ... cossa feu !
 Dove, dove lo porteu ?
 Lo voi qua ,
 Lo voi qua ...
 Ola, puti, abiè giudizio ,
 Chè ancuo nasce un precipizio ...
 Ah ! Lesbian, Lesbian, Lesbian ...
 Ah ! Dotor, Dotor sassin !...
 Che prudenza ?.. che rason ?
 Che quietarme ? come mai ?

Ah ! lassè che sto balcon
 Daga fin a tanti guai ...
 Via , molè ...
 Via , molè ...
 Via , molème ... via , lassè ...
 Via , molème , maledeto !
 Bogiacan del mio cagneto !.
 Signor sì , l'avè copà ...
 Ah scuseme ...
 Perdoneme ...
 Compatime , per pietà !
 No son mi ,
 No son mi ,
 Stè certissimo , Dotor ,
 No son mi , xe 'l mio dolor ,
 Che me fa parlar cussì .
 Ah , sorte crudelissima !
 Che colpo xe mai questo !
 Catina , Töhi , presto ,
 Presto chè me vien mal ...
 Tegnì , tegnìne , oh dio !
 Tegnì , tegnì , Doter :
 Lesbin , Lesbin , cuor mio ,
 Mio dol ... mio dol ... cè amor .

L' ARIANA. (1)

C A N Z O N

Ariana, Ariana, eo te vedo, odio!
 Me crepa el cuor in sen,
 Resto da compassion quasi sbasio!
 Dove xe andà quel ben,
 Che ti godevi un dì? povera grama?
 Ridota s'una strada
 De tuti abbandonada,
 No ghè più chi te varda, chi te brama
Arlevada da Dama,
 Ti ghe supiavi suso ai pastizzeti,
 E ancuo ti fa le have sui zaleti.

Avezzada a dormir s'un canapè
 Coverta de persiana,
 Dove se poderia sentar un re,
 Ancuo ti fa la nana
 O sula pagia, o s'un bocon de stiora,
 In scuderia, in rimessa
 O sotto la barchessa,
 E tante, tante te gran note ancora
 Te toca star defora
 Sul nuo teren coverto de fredura,
 Perchè no ghè nissun, che te rancura.

(1) Una belissima barbina ridota vecchia, e con tutti i mali cagnini adossa.

Ah ! dove è mai quel bravo servitor ?
 Vicenzo dove xelo ,
 Che te tegniva bela quanto un fior ?
 Ti perdi tuto el pelo ,
 Petene no ghè più , no ghè bruschin ,
 No ghè più servitori ,
 Ti sa da mile odorí ,
 T'incensi tuto el mondo da freschin ...
 Malegnazzo el destin ,
 Che t'à ridoto d'una bela puta ,
 In t'una carogneta , che rebuta !

Se ti geri un tantin de mal umor :
 Se un'ongia te doleva ;
 Se impeniva el palazzo de rumor ;
 Subito se coreva
 A cercar del to mal la medicina :
 E aneuo , che no ghe cani ,
 Che gabia i to malani ,
 No ghè più chi te daga un'ochiadina ..
 Povera bestiolina ,
 Te sarave passà mai per la testa
 De perder tanto ben cussì ala presta ?

Ti geri la delizia del Paron .

La Dama te adorava ,
 E guai a chi t'avesse dà un urton !
 Tuti te carezzava ,
 Ti geri più stimada d'una zogia ,
 Tuti te gera drio
 Come la mare al fio ,

E ancuo no ghe xe un can , che più te vo-
 Tuti te manda al bogia (gia,
 In compagnia de tuta la to razza ,
 Nè ghè chi no te oltragia , e te strapazza .

Che colpa xe la tua ? coss'astu fato ,
 Povera desgraziada ?
 Gnente , se dise , Sior ; ma gnente afato ;
 Vechia son deventada ,
 Piena de dogie , e piena de schinele :
 Questi xe i mij pecai ...
 Co se xe vechie , guai !
 Parlo con vualtre done fresche , e bele ;
 Godeve pur , sorele ,
 Tegnive in bon ; ma vegnirà quel dì ,
 Che incontrarè la sorte , che go mi .

C A N Z O N E T A .

Nina , te parlo candido ,
 Me bisega un tantin
 Quele ochiadine tenere ,
 Che ti ghe dà a Tonin .
 Come xe mai possibile ,
 Come se pol mai dar ,
 Che 'l solo amor platonico
 Te fazza delirar ?
 Son fora d'ogni dubio :

Ti ga donà el to cuor;
 Te vedo tropo in estasi
 Per sto novelo amor.

Apena , sì volubile !

Apena el t'à vardà ...

Odio ! par impossibile !

Da mi ti à desertà .

Perchè tante mignognole ?

Dimelo , via , perchè ?

Perchè mai tanti spasemi ?

Qualche rason ghe xe ...

Ti pianzi ? .. ah , sì , vergognite

D'aver quel euor in sen ...

Va pur , va là , destrighite,

Va in brazzo del to ben .

Xe tre meseti a pilego ,

Che Amor , quel Dio crudel ,

A' fato , che te esamina ,

E che te trova un miel .

Ma un miel vegnù da Ircania ,

Che in bota à fermentà ,

Che deventà xe un tossego

Dei pezzo che se dà .

Ti geri alora un anzolo ,

Ti geri un zensamin ,

Adesso ti xe un diamberne ,


Ti ponzi più d'un spin .

Ma fa quel , che te comoda ,

Chè lo farò anca mi ;

108

Sto cuor sarà de Nomola
Più bela assae de ti ...
Ti pianzi?... ah, sì, vergognite
D'aver quel cuor in sen ...
Va pur, va là, destrighite,
Va in brazzo del to ben.



N O V E L A.

Una zovene, mugier
D'un richissimo Spicier,
Arlevada ala gran moda,
E per questo poco soda,
Incontrando in t'un mario,
Che al so genio no va drio,
La se inzegna, povereta,
De pelarghe la borseta.
Col consorte andava in leto,
La vardava soto ochieto
Dove el trava i so bragoni,
No moderni; ma pienoni
De datrenta, de trarini,
De ducati, e de zechini
Per provederse de bezzi
Da fornirse de strighezzi.
Tuto el zorno po'la gera
In fruston co la massera,
Per comprar dai chincaglieri,

Dai oresi , dai marceri
 Pani , sede , biancarie ,
 E un milion de strigarie ,
 La so casa a tute l'ore
 Gera piena de sartore ,
 De scufiere , e colarine
 Che duchesse ? che regine ?
 Aneuo questo , doman quello
 Ma sto afar no già durelo .
 Ale tante so mario
 Va disendo : pefardio !
 La gran roba gha sta dona
 Tuta quanta stupendona ;
 La so dota gera onesta ,
 Perchè fata su ala presta ,
 No ghe entrava sti salti ,
 Sti abitazzi , e .. che soi mi ?
 Co un sospeto maledeto ,
 Che sta dona co so in leto
 Vaga aloro a scarselini ,
 Per robarme dei zechini ;
 Ma , perdia ! che 'l saverò :
 So ben mi quel , che farò
 Oh , la vogio veder bela
 Co sta siora vanarela .
 Cossa falo : el volta via ,
 E 'l se porta in pescaria
 Per trovarse un gambaron
 Forte , e san quanto un lion ,

E in la borsa co xe sera,
 El lo fica con maniera
 Dala parte, che ghè l'oro;
 E, fenio sto bel laoro,
 El la chiama: olà, Maria,
 Vien in leto, vita mia.
 E po' el finzé de dormir
 Quanto mai, che se pol dir.
 La muger va in leto anch'ela,
 E la smorza la candela,
 E po' dopo a pian, pianin
 La se porta al borselin
 Tuta piena de contento,
 E co i dei la ghe va drento:
 Ma quel can de Gambaron
 Ghe dà in bota un tal becon,
 Chè l'angossa ghe va al cuor;
 E sorpresa dal timor,
 Che ghe fusse là el demonio,
 La desmissia Sior Antonio,
 Che za gera desmissià,
 Che in t' un salto ariva là;
 Ma disendoghe: bricona!
 T' oi trovà, cagna, ladrona!
 El demonio son stà mi,
 Che scoverto t' à cussì.

L A N E V E .

Puti cari , odio , che giubilo !

Xe vegrù la biancolina :

Co l'ò vista sta matina .

Me son tuto consolà .

Mo no xèlo un bel spetacolo ,

Un piaser , un gran contento

A veder in t' un momento

Tuto el mondo sbianchizzà !

Formaremo ponti , e statue ,

Zogaremo a le balote ,

E ste care zovenote

De nualtri riderà .

Se faremo dele trapole

Per chiapar dei oseleti ,

Che da fame , povereti ,

In la rede i cascherà .

Varderemo chi è più pratici

De tirar in tel taolazzo ,

E i putei , che no ga brazzo

A mariorba i zogherà .

Che coriere ! mo ghe tombole !

Mo che bele scopazzae !

Benedete ste zornae !

I gran beni le ne dà !

Benedeta pur sta zogia ...

Fioca , cara , fioca sì ;

Fioca pur sempre cussì ,

No'sbalar per carità !
 È vualtri vechi miseri ;
 Che la neve no ve piase ,
 Andè in leto in santa pase ,
 E levéve co' xe istà .



C A N Z O N .

Sie vilani , tempo fa ,
 S'à portà , segondo el solito ,
 Nel valon dele Frignane (1)
 Per tirar fra quele cane
 El deluvio ai celegati ;
 E defati i gera a segno
 De compir el so disegno ,
 Ognun gera ben disposto
 Al so posto con bel ordine :
 Celegati , merli , o storni ,
 Tanto spessi in quei contorni ,
 Se ne andava saltelando ,
 Svolazzando in compagnia
 A quel ultima osteria .
 Col deluvio molto ben

(1) *Frignane.* Vale , o sia basse pradarie d'una gran estenzion nel tegnir dela Vila d'Agna , territorio Paduan .

115

Xe stà pien, pensè che giubilo !
Ma co i xe tuti a redosso
Del botin, forse el più grosse,
Ch'i abia fato in vita soa,
In la coa dela gran rede.
Ghè ehi parla, e ne se vede.
Chè chì diga fra le celeghe :
Ahi, me sòfego ! ahi, me sòfego !
Ose tal, che in tal momento
Impenisse de spavento.
Ogni gramo cazzador,
Nè ghe tuori, nè ghè bravazzo,
Che ressista a un tal spaurazzo.
Tutti scampa, tutti core :
Xe quattrore, e xe scurissimo ;
Ma per bona so fortuna
Sponta fora un fià de luna,
Che ghe mostra un arzerin,
Che è el confin de quel gran logo ;
Là i se ferma, e i bate fogo.
Impizzà che i ga el feral,
Certo tal Zaneto Rucola,
Cola lengua alquanto grossa,
Xe stà el primo a dir qualcosa,
Ma con pena, ste parole,
Sole, sole : pofardio !
Nu gavemo l'oreo drio.
L'oreo ? un corno, mama luco t.
Dise Gucc, queste è bliscante :

Anca mi son corso via;
 Ma per farve compagnia:
 No son minga tanto gnoto;
 Un aleco gera quelo,
 O qualche altre grossa ocello.

No te posso ecompatir,
 Torna a dir Zaneto Rucoda:
 Per la verzeneguaria!
 Ti è stà el primo a scampar via,
 E ti ga po' tanto umèr?
 Gastu cuor? mi ghescometo,
 Che 'l xe un spirito soleto.
 Che 'l sia pur quel, che te piase,
 Resta in pase, Cuco seguita,
 Chè mi dopo tante stente
 No abbandono certamente
 Un bocon, che no son degno...
 Na me tegno, nò persbrio!
 Chi ga cuor me vegna drio.

Lo seconda i altri tuti

Vechi, e puti: Nane Rucola,
 Per no star solo, soleto,
 Va con lori a so despeto;
 Ma disendoghe: fradei,
 Quattro agnei ve dono... odio!
 Per pietà tornemo in drio.
 No i ghe bada, e co i xe là
 I se dà in trequattro l'anemo
 De chiapar le corde in man:

Cneo dise : da cristian !

Che la sorte ne vol ben ...

Mo co pien ! via lesti pronti ,

Quanti osei ! se femo conti .

Ma l'oseta giusto alora

Torna sora : ahi , me sōfego !

Ahi , me sōfego ... ! per dia !

Chi à più fià , più para via ,

No ghe xe chi più li ferma ,

Gamba inferma , età avanzada

Tuto svola per la strada !

Tuti va , nè i sa per qualà ;

Chi se spala , chi se strupia ,

Via sagioti , via capei ;

Ghè chi perde anca i cavei ,

Chi se piomba in t'un fosson ,

Chi in gaton sta cufolà ,

Chi xe in pie ; ma desperà !

Mo che strage ! mo che note !

Mo che note oribilissima !

Massabona , che fa zorno ,

E un vilan de quel contorno

Tuti quanti li rancura .

E'l procura , poverazzi !

De trovarghe dei stramazzi .

Col li à messi tutti a un

Qualchedun sè fa coragio ,

E in do tre con sto bonomo ,

E qualche altro galantomo

I se porta dala rede;
 Ma no i vede atorno a quella,
 Chè dei fassi de canela .

I l'averze, e i va vardando
 E cercando con gran studio,
 Se i trovasse la rason
 Del'oribile spauron ...
 Oe, tasè, che i l'à trovada ...
 Gran burlada ! chi 'l diria ?
 L'istorietà xe fenia ...
 Cossa gera mo quel'ose ?
 „ Che curiose ! le gran femene !
 Quelo gera un papagà
 Fra le celeghe strucà,
 Scampà via dal sq paron ,
 E a l'orbon entrà in la rede ...
 Le gran cosse che succede !



RISPOSTA DEL' AUTOR A UN SO
 AMIGO CHE LO AVISA D'AVER
 PENSA' DE FAR EL MEDICO ,

C A N Z O N .

Far el medico volè ?
 Felo pur , vu sè el paron ,
 Basta solo che sapiè ,

Che fè un gran spropositon.

Me dirè : lo fè anca vu :

Sì , lo fazzo , povereto !

Ma son stufo che mai più ,

E lo fazzo per despeto .

Se saveva da ragazzo

Che mistier xe questo quà ,

No sarave in sto imbarazzo ;

Saria tropo fortunà .

No se dà per mi mai festa ,

Un respiro no go mai ;

Piova , nevega , tempesta

S'à da andar dai amalai .

Ma pazienza el sfadigar ,

E no aver un fià de ben ;

Quel dover anca studiar

Quelo xe el mio gran velen !

Perchè mo ? perchè , credèlo ,

Più che studio manco imparo ,

Perchè resto sempre quelo ,

Vogio dir un bel somaro ...

Ma mi vedo che stupì ;

Ma mi sento che disè :

Perchè mai parleu cussì ?

Steme atento , e 'l saverè ,

Me vien proprio i mi dolori

Nè xa credo d'esser solo .

Perchè vol i nostri autori

Chi la lipa , e chi el pandolo .

Chi vol sangue, e chi nol vol,
Chi no vol che stimolanti,
Chì sofrirli no li pol;
E ognun ga i so partidanti.

Quelo dise : el guarirà ,
Questo : el mor sicuramente ..
Un dei do ghe intoperà ,
No ghè dubio certamente .

Ma per caso , per fortuna ,
Nò per lege , o per doctrina ..
E no go d'aver la luna
Cola Siora Medicina ?

In ogn'altra profession
Se pol dir la xe cussì ,
Se pol render le rason
Bele , e chiare quanto el dì .

Sula mera congetuta
Nualtri grami se fondemo ,
E laoremo con paura ,
Perchè incerti sempre semo .

Tale qual la xe , fradelo ;
Gnanca i primi professori
No ga gnente de più belo
E vel digo mi perlori .

Se pol dar pezzo mistier ,
Un mistier più desperà ,
Sfadigar senza saver
Cossa diamberne se fa ?

E voressi farlo vu ?

110

Oh, saressi un gran bel tomo!

Caro fio, pensoghe su,

E credeghè a un galantomo,

Che ga in odio l'impostura,

Che ga sempre in boca el cuor.

Ch'è per vu pien de premura,

Pien de stima, e pien d'amor.

EL MARCA' DE BAGNOLI.

SCRITO L'ANNO 1788.

Bagnoli xe un logheto cussì belo,
Cussì ben fato, e pien de simetria,
Che poeta no ghè, no ghè penelo,
Che ve possa mostrar cossa lu sia:
Nol par minga una vila; ma un castelo,
Una contea, o qualche signoria:
Chi no crede sta roba vegna quà,
Che, come ogn'altro, el resterà incantà.

Se vedessi čhe broli, che zardin!

Che corte, che palazzo, che granari!

Che stupende campagne, che bon vin!

Che regazzote, che musoti rari!

Che famoso specier, che casolin!

Che dotor, che chirurghi, che boari!

Che aria benedēta! sti Paroni

Se ingrassa , co i xe quà , come caponi .

**Ghe gnente de più belo de sta piazza ,
E specialmente ancuo , che ghè el marcà ?**

Gran fruti sta matina ! gran carnazza !

Che stupendo vedelo , che castrà !

Quanto polame fin , quanta robazza

D'ogni color , e d'ogni qualità !

Altro che Sinigagia , pofardia !

Lassemo pur che sto marcà s'invia

**Vederè , vederè ! ma quà ghe vol
Un omo che presieda a sta facenda ,
Un omo svelto , e bravo come el sol ,
E che de foro molto se ne intenda ;
De quei , che tuto sa , che tuto pol ,
Chè più che'l pano è fin , più ben lo menda ,
Un omo insoma pien de cognizion ,
Che fazza sul marcà da capurion .**

Coss'alo mo da far ? oh , gnente afato !

Cari siori , tasè , no fè che rida :

**Se nasse qualche intrigo in t'un contrato ,
Bisogna che l'ascolta , e che'l decida ;
Che'l fazza da nodaro , e da avocato ,
Che gnanca de so pare nol se fida ;
Che el fazza in soma tante istorie , e tante ,
Che adesso ve le conto tute quante .**

**Bisogna , che lu sazza i brazzoleri ,
Ogni quarta , ogni peso , ogni mesura ;
Che l'osserva , se i favri , e i caldereri
Vende grele , e stagnae , che poco dura ,**

Se i nostri do noveli pignateri
 Dà via pignate senza inveriadura,
 Perchè sti do marcanti, a quel che sento,
 Vol vadagnar l'otanta, e più per cento.

Che'l varda, se ghè a torzio de quei puti,
 Che svoda senza preghi le scarsele;
 Se quei, che va vendendo fiori, e fruti,
 Ghe bate l'azzalin a stè putele;
 Se i becheri ghe dà el sò giusto a tutti;
 Se i vende cinque al grosso le sardelle;
 Se la farina è sana, e se i paneti
 Xe come che i ghe piase ai povereti.

Adesso sì, Paroni, vien el bon:
 Dove s'à da trovar sto galantomo,
 Che fazza sul marcà da capurion?
 Bisogna certamente, che'l sia un omo,
 Come v'do dito, pien de cognizion,
 Un svelto cortesan, un vero tomo
 De quei, che par formai dala natura
 Per portarla con aria, e con bravura.

Me sento, che me dise qualche sior:
 No ghe vedo sta gran difolta,
 I fatori xe tre, sciegliè un fator,
 Che gabia le premesse qualità:
 Mì, mo, che la so longa, a sto doter
 Ghe respondo con tuta brevità:
 Fatori? Signor no, saveu perchè?
 Perchè i ga i so difeti tutti tre.

La figura de Toni (1) veramente
Xe tuto el belo, che se pol trovar;
Ma la bela fegura no val gnente,
Se, chi la ga, no la sa ben portar:
Le bone col vilan no fa mai gnente;
Bisogna qualche volta bastonar:
Sard donca scusà dal caro amigo,
Se penso de levarlo da sto intrigo.

Gnanca el nostro Andreeata (2) no xe quello
Nol xe fato, voi dir, per sta fonzion:
El xe un demonio, se parlè con elo;
Ma se parlè con mi, l'è tropo bon;
E po'el ga un far, che no xe tanto belo,
El dorme tuto el dì come un poltron ..
O, me dirè, el xe vechio, povereto!
E ben, ch'el fazza el capurion in leto,

Anca in Pastò (3) ghe trovo el so gran ma
Perchè, sibèn l'è basso de statura,
L'è fornio cussì ben de capital,
Voi dir de naso, dove la natura
Con lu xe stada tanto liberal,
Chè co i putei lo vede i ga paura;
Che se gnanca pur lu no ghe xe el caso,
La colpa no xe mia; ma del so naso.

Gnanca per mi, benchè mi sia Dotor

(1) Sior Antonio Chino amigo del'autor.

(2) Sior Andrea Trivellato.

(3) Sior Zaneto so fradello.

Benchè sia grando, grosso, e assae ben fato,
 Benchè dolce de far, dè bel'umor,
 E d'ogni compitezza sia el ritrato:
 Nò, nò, sta dignità, sto bel onor.
 Ghe toca a mio compare Trivellato (1),
 Omo de mondo svelto, e soprafin,
 Amigo dele tripe, e del bon vin.

Questo, vedeu, xe un omo, che ga tuto;
 Metèlo in che fonzion, che più ve piase,
 Nè stè a vardar che 'l sia cussì destruto,
 Nol ga mai povereto! un fià de pase:
 Lu è sempre in gamba, e sempre d'apertuto,
 El frusterà ognī zorno trenta case,
 Perchè tuti lo vol, tuti ghè drio...
 Gran omo! mo gran omo, pofardio!

Metèlo a far el cuogo, el xe un monsù,
 Se sentissi che zope, che bruetini!
 Che rostil! che polpete! che ragù!
 Come che 'l giusta ben i colombini!
 Se no credessi, andè a disnar da lu,
 E sentirè che boni hoconcini;
 Fra i altri piati, el ga certo sguazzetto,
 Che senza falò là fa far in leto.

Mètelo a trar de schiopo el xe un demonio
 El tira giusto quanto tira un sbire:
 L'à imparà sto mistier da un certo Anfroni
 Che in tredesani nò perdeva un tiro:

(1) Sior Zaneto morto da là a pochi ani.

Gol gera unito in santo matrimonio
 So muger gera un zuchero , un botiro ,
 Perchè el la mantegniva a gardelini ,
 Tuti quanti copai co i so trarini .

Tolelo in tel vestiario el par un sposo ,
 El xe perverità tirà a penelo :
 L'è po cussì bufon , voi dir grazioso ,
 D'un far cussì galante , e cussì belo ,
 E con le done tanto manieroso ;
 Chechi ghe dona el cuor , e chi el durelo ;
 El xe , insoma , una perla , un zensamin ,
 Un vero ganimede , un paladin .

Compare , via da bravo , prepareve
 A farla da bon giudice valente ,
 Prima de sentenziar ben informeve ,
 Se volè comparir omo prudente ;
 Dei giudizi dei altri prevaleve ,
 Nè fè che mai ne vaga zo de mente
 La sentenza del musso , e la somara ,
 Nata , sarà cent'ani , in Anguilara .

Gera un dì de marcà , e quieta , quieta
 Andava pascolando per la piazza
 Una gentil , e fresca somareta ,
 Quando che un asenon de quei derazza ,
 Invidioso del ben de sta cosseta ,
 Ghe salta adosso , e tanto el la strapazza ,
 Chè piena de spavento l'aseneta
 Se taca a galopar col musso in sela .

La core, e dove vala? indovinèlo!
 S'una stiva de piati stesi in tera,
 E unita col nemigo i fa un duelo,
 Chè i ghe ne rompe più d'una massera.
 Co quel marcante vede sto flagelo,
 El ciga: chiapa, chiapa, sèra, sèra:
 I li sèra defati in t'una stala,
 Che scusarè, se no ve digo quala.

Inteso sto negozio dai vilani
 Paroni dei do mussi sequestrai,
 I biastemava come do furlani;
 Ma'l bon piater, che no voleva guai,
 Ghe dise: compati, oari cristiani,
 I vostri anemaleti xe serai;
 Ma pagada che xe la roba rota,
 Come xe giusto, ve li molo in bota.

El paron dela mussa dise: sì,
 Cavè rason; ma fè che paga questo.
 Cossa distu, galjoto! paga ti,
 Responde l'altro. Te go giusto in cesto!
 Replica el primo, sapi ben, che mi
 Più tosto de pagar; vago in arresto:
 Se'l to musso no gera un prepotente,
 La mia musseta no rompeva gnente.

Avisà de sto fatto el capurion,
 El fa che i comparissa al tribunal,
 E dopo aver intesa ogni rason;
 El dise fra de lu: no ghe xe mal;
 Quà no se trata in fin chie d'un lion,

Per saldo del destruto capital,
E come che le gambe gera sie,
Vinti sie soldi, e un bezzo fa per pie.

E po'el pronuncia a sorte: pagará
I do terzi la mussa, e quel che resta
Ghe tocà al musso; la rason xe quā:
I piè deve pagar un tanto a testa.
Co quattro piè la mussa ga pestà,
E l'aseno con do: la lege è questa.
El li saluda serio, e 'l volta via:
Ve saludoanca mī, Bondisioria.

L' A U T O R

A I S O A M I C I.

Come che vedè, ristampando sta
ultima volta el mio Friularo, la mia
Polenta, e 'l mio Lesbin, go zontà alcun
ne dele manco pezzo de quele miserie,
che andava butando zo de quando in
quando, per una rason, o per l'altra,
mai con l'idea de volerle espor al Publi-
co; ma siccome la magior parte de
vualtri, per dir la santa verità, no fa-
va, che domandarme la copia ora d'un
pezzo, ora dell'altro, ora de quel'altro,

e che sto afar gera per mi un afar tormentosissimo , me son ridoto ala fin a butar via ogni bon riguardo , e a meterle qua anca ele . Vivè felici .



In occasione della morte deplorabile dell'autore di queste poesie successa appena incominciatone la stampa .

S O N E T O

DI MARCO ANTONIO TRIVELLATO :

Guatollo alquanto , e lo guatò pensosa
Pria di troncarne l'onorato stame ,
Chè ben temea di farsi ancor più odiosa
Saziando in Lui le sue crudeli brame .

Pur , come un poco s'arrestò dubbia ,
Alfin compì le mal'ordite trame ,
E far pensando non ignobil cosa ,
Sogghignò amara , e calò il colpo infame .

Ma , quanto errò lungi dal vertua mente ,
Invida Parca , e quanto mai diverso
Cogliesti il frutto dell'error presente !

Morì bensì ; ma tal morio qual visse :
Visse glorioso , e del tuo colpo avverso
Vendicherallo quanto Ei fece , e scrisse .

L A Z U C A .

D I P I R A M B O .

No saveu? l'è passion. Chi se inamorr
In t'una bissa che ghe beca el sen;
Chi fa pazie per un bel fiasco pien:
Chi 'n tanta so malora
Spasema per i bezi:
Chi se faria squartar in cento pezi
Per arivar su qualche caregon;
Chi fa l'amor a un qualche medagion:
A chi ghe piaserave un abitin
Curioso, galantin,
Ben fato, sveltolin
Co tanto de spadin
Da goder el morbin;
Chi se dileta de un bel chitarin,
E chi de un Cagnolin,
E per vegnir al fin
In t'una Sechia un Sior s'ha inamorà
E in se lode un bel libro el ghà stampà
Mo donca no bisogna
Che me vergogna
A dir che mi me sento inamorà
Brusà
Invasa

Copà

Piuchè insatanassà

Per la Zuca che indora le baise,

E che Vedel da Chioza ancuo se dise.

Za me lo vedò qualche bel umor,

Che senza alcun rossor

Me sbufona sul viso, e che me faza

Co un muso da liraza

Dò tresento sberlefà da smorfioso ...

Via rognoso

Via tegnoso

Stomegoso

Schizignoso

Via de là de carognoso,

Via fate in là, che se me salta un lampo

Co meza Zuca mi te cavo el stampo,

E po fazo una Statua co un cartelo

A ciò che tuti te conossa a pelo,

E i sapia che ti xe colù che abomina

La Zuca che dà vita a tanto popolo.

Alora vardete,

Varda che i fulmina

I sassi, e i ravani,

E i pomi a fregole

Tra i fischi oribili

De un mar de popolo,

Che te considera

Quel omo stupido

Ghe no ghà

Nè palà
 Nè un fià
 De onestà
 Per un pasto gentil da tuti amà.
 Sì: la Zuca, la Zuca, la Zuca
 Sia santa, o sia baruca,
 O sia Zucoi col manego,
 O Zuche anca salvadeghe;
 L'è un magnar da strupia i che fa bon prò,
 Fa tanto de panzon, purga i cocò,
 Fa belo el viso, ve dà forza ai pì,
 E consola el buelo per tre dì.
 Oh! l'è un magnar da porchi in la mastela...
 Che stolida bardela!
 Mo gran lengue! gran teste! gran scioconi!
 Mo no vedè come co quei boconi
 Giusto i Porcei ve vien come tordeti,
 Grassi, dolci, tondeti,
 De un gusto prelibato, e soprafìn,
 Che ve consola proprio el coresin,
 Del Porcelo xe bon anca el zampin,
 Xe un balsemo el coin,
 Xe un botiro el sgrugneto,
 Un late xe el panzeto.
 Del Porco i fa Luganega,
 Del Porco i fa le Brombole,
 Del Porco i fa i Boldoni,
 Se magna el pel, le zate, i sporteloni.
 L'è bon rosto in speo,

L'è bon a scotadeo,
 E grasso è insenetio ,
 E bogiente e indurio ,
 E dopo degerio .
 E pur l'è tuto pur, estruca e struca
 Tuto sugo de Zuca
 Quel che ga fato el chilo ,
 Quel che ga fato el grasso ,
 Quel che l'ha messo in filo ,
 E ch' el fa deventar stupendonasso .
 Mi che no diga ben? sì che ho da dir,
 Che la Zuca xe quanto un Elisir .
 Che dà la vita ai morti , e fa morir
 Tutti i cancarri ,
 Tute le fistole ,
 Tute le racole
 Dei mali che vien fuora
 Dal vaso de Pandora .
 Co me vedo in t'un campo semenà
 De Zuche ben zalone in quantità
 Za se me averze el cuor perchè me par
 Proprio de caminar
 In Spizieria da ogni fedel Cristian
 Dove chi xe malà se se trova san ...
 Trè zo quel servizial ,
 Che a chi ghà le meroide el ghe fa mal ;
 Se ve volè purgar tolè sto toco
 De Zuca rosta che andarè de oco
 Magari le buele

Che za salvè la pele.

Gaveu la rogna , el cancaro , la peste ?

Tuto calor che v'ha conzà da feste .

Via no tolè potachi :

Cremor de tartaro ,

Manna potabile ,

Mercurio fervido ,

Negro rabarbaro ,

Cassia che stomega ,

China che tossega ,

Zuca tolè , che la indolcissee el sangue ;

Tolè Zuca per Pan , per Companadego .

Zuca , zuconi , e sarà tolto el radego ,

Frita , lessa , arostia , che proprio al fin

El sangue ve farè da Colombin .

Ve fa pecà i Spizieri

Che ve impenì de scoaze

Per darghe le liraze ?

Oh mati vivi e veri !

Fideve pur dei Miedeghi ,

Credeghe a le so massime ;

Cerchè pur le so visite ,

Struzeve pur le viscere ,

Ma fè pati col Nonzolo

Che presto el Dotoron

Ve buta a tombolon .

Mi certo no me tegno

Perchè gho tanto inzegno

Da capir el gran ben che fà la Zuca ,

Guinsun no me imbarluea
 Ma salto co fà un mafo,
 Sbrisso co fà un bisato,
 Tiro fora la lengua, e cigo alturio,
 Finchè me bagno el beco co quel balsamo...
 Coss'è, così è? sento eigar Tonina ...
 Fermi là ... zito ... tasi caro ti ...
 Lassa che senta ... xela Polentina?...
 Oh co bona, oh corara!... ah! so quà mi
 Mi no me tegno ... Zuca schietta e netta;
 La Zuca : benedetta ...
 Largo, fè largo ... fate in là furbazo ...
 E ti budeladazo
 Vustu una slepa, o vustu una peada?
 Xe andà el Tabaro, resta la Velada ...
 Oe da la Zuca presto corè quà,
 Abiè carità
 No gho altro fià
 Me so sfadigà
 Me so sealmanà
 Perchè no andè in là.
 Oimei me consclo
 Ghe so arivà a svolò;
 So qua, me sbabazo,
 No co le man, vòi meterghe el mustazo.
 Sì, coi deolini
 Se magna i Confetini,
 Col pironcin se slimega,
 Col sculierin se becola;

Ma co piase no ghè tanta pazienza
 Da magnar a batua come un Celenza.
 Quà un trareto, do trari, una liraza,
 Tiolè i bezzi, la borsa, e le scarsele :
 Ma lassemè slapar che me sbabaza,
 Perchè se me consola le buele.
 Quà una Zuca, de Zuché, tre Zuche ;
 De sante, e de haruche ;
 Quà che beva sta broda,
 Che sorba sta papa,
 Che tuta la slapa,
 Che tuto me goda.
 Via presto scàldeime,
 Via presto sàzieme ;
 Via presto indòremè,
 Via presto imbalseme ...
 Oh che papa ! che broda ! che gusto !
 Bona per nù che no portemo el busto ...
 Ma go sto comesseto,
 Che me strenze un pochetto ...
 Acqua ... me ingosso,
 Deboto me strangolo,
 E pur no gh'è osso ...
 Me vien ...
 Me vien ...
 To dano : te l'ho dito che tel puso,
 Và là porco, va là, lavete el muso.
 Ma intanto, e cussì
 Gh'è Zuca pér mi ?

Oimei l'è fenia,
 Ghè apena la tola,
 No gh'è scalcaria,
 Chi mai me consola?
 Oimei no gho spirito
 I ochi me bagola,
 Le gambe fa giacomo,
 El cuor se me sbrodega
 Perchè de sto orò
 Me manca el restoro.
 Se me volè vivo no me fè aspettar
 Un burchio de Zuche vegnime a portar.
 Veginì, vegnì presto.
 Tonina ve aspetto,
 Ghen fazò in brueto,
 Ghen fazò col pesto,
 De frite co l'ogio
 De frite co'l struto,
 Che meto el cerfoglio,
 Ghel meto da puto
 Su un toco de lessa,
 Ghen brustolo in forno
 Un quarto, ma in pressa,
 Po'subito torno
 A frizerla in techia;
 Intanto coro a Casa che i parechia.
 Ola desmisiete
 Todero averzeme,
 Fera le piadene,

Via presto fregheme
 Caldiere, e lustreme
 Fersore e techie,
 E i piati indoreme,
 Che ha da vegnir la Zuca a far bancheto,
 E tutø gha da esser lustro e neto.
 Fa presto fa fogo ;
 Ghe vol quattro bronze,
 Ti Gato dà logo ...
 Mi vogio ben conze
 Le Zuehe in desfrito
 E ben brustolada
 La rosta pulito,
 Gha da esser panada
 La lessa ti sa,
 A le curte a pontin come che va.
 Oh che godi ! son proprio un paladin
 Co me imbalsamo el cuor co sto broetin.
 Che Risi ? che Carname ? che Caponi ?
 Tiolè Risi i me par quei pignoleti,
 Che ve puza sti mestri manestroni :
 Burlela , siora Dora ? oh ! i so Manzeti
 So che i ghe piaserave , e i so Castrai ,
 Ma sieli pur frustai ,
 Solamente i xe boni per i cossi ,
 Voi dir per i Becheri ; mezi bezzi
 I xe butai in canal , che diavolezzi !
 I ve dà meza polpa e mezi ossi ;
 E po che polpa ? o la xe dura , un legno ,

O la xe papa a segno,
 Che la par degeria,
 O la xe insenetia,
 O la xe tutta grasso,
 O scempia come un sasso,
 O la spuza da lispio , e po' in tinele
 Ghà daver anca el Gato el so piatello
 Perchè eo sti bei lardi anca i ve zonta
 Un toco de slambrichio sempre in zonta.
 Via la responda siora Dora amabile:
 Cossa serve i sberlefì? i me fa stomego;
 La diga pur se la gha fià, la squaquara
 Voriela dir : me piase i Capencini ?
 Cari quei bei hochini !
 Tiolè un Capon , mezo Filipo el vaf;
 Curèlo , governelo , l'è un feral.
 Ch'el sia anca bon : topa vel magna mezo
 El Gato , el Cañ ; caveghe le huele ,
 Batè el corbame , curè ben la pele ,
 Oh se quà andemo pur de mal in pezo !
 Metè da banda i ossi : cossa resta ?
 Vu fè dezun , e 'l Cagnolin fa festa .
 Vardè che baronae !
 Vardè che matitae !
 Tanto darghe a le bestie quanto ai omeni !
 La Zuca nò che no fa sti sprepesiti ;
 Spendo un traro , e sto traro è tuto mio ,
 Spendo un Ducato , e'l magno tuto mi ,
 Se quel che compro , e co la xe cussì

Dopo che gho comprà no pago el fiò
 La Zuca no gha ossi e no gha spinì,
 No la xe dura, no la xe panada,
 No la xe seca, nè destemperada,
 No la spuza da lispio, al fin dei fini
 La gha el color dell'oro, e tante basta.
 Mò che gran bona pasta !
 Perchè no nassistù
 Solo in America,
 Che sier Vespucio
 Su più de un Codice
 Te faria celebre,
 E vederessimo
 Sora l'Oceano
 Drio del to merito
 Corer intrepide
 Nave e Trabacoli
 Del Turco barbaro,
 Del gentil Veneto,
 De la gran Aquila,
 E de ogni Popolo,
 E sentiessimo
 Venderte a fregole
 A Dame e a Nobili,
 E ai più gran Prencipi?
 Alora ti saressi rarità,
 Ma per mi ti fa megio a nascer quà.
 Che Providenza !
 Sta bona droga venze tutti i intopi,

La nasse in tuti i campi, e sta semenza
 Se rampega su i muri, e va sui copi,
 La regna in tei piteri, e quasi squasi
 La ve nasce in pignata.
 Quà la mia cara tata,
 Vienme quà che te daga cento basi.
 Oe cossa vedio? el barchio xe a la riva...
 Oh za me la sentiva,
 Proprio el cuor lo diseva, e proprio el naso
 Se me strupiava per l'odor seavissimo,
 Che quel fiascon de zuchero,
 Che quel balon de netare,
 Che quel peaton de balsamb
 Manda per l'aria: oh! certo mino taso..
 Presto Tonin e Gasparo,
 Piero, Martin, e Prospero,
 Polo, Chechin, Agapito
 Vegnì zo a tombolon,
 Strupieve che n'importa,
 Vegnì zo in pruision,
 Trè zosoanca la porta,
 Saltè zo del balcon,
 Rompè pur anca el muro,
 Trè zosoanca la Casa,
 Ma se volè che tasa
 Vegnì a tior sto tesoro
 Metemelo al seguro,
 Ma presto presto presto,
 Se no mi quà ve muoro.

Oh bravi me consolo
 A vederve quà tuti .
 Bravo Tonin ! co alesto !
 Oe varda ti , che ti ghe storzi el colo ...
 E ti cossa ghe vol? tirela in tera ...
 Cossa fasta baron ? xela una piera
 Che tì ghe zapi su co quei stalfoni ?
 Oh bravi bravi puti .
 So contenton : mo proprio sè omenoni .
 El magazen
 Xe tuto pien ;
 Adesso manca el megio , che xe ora .
 De impenir la pignata e la caldiera ,
 La techia e la fersora ,
 La grela , e l'antianelo e la tortiera ;
 Far che la Zuca bogia ,
 Far che la Zuca friza ,
 Far che la zira in speo ,
 Che la salta in pignata ,
 Che in techia la se cata ,
 E che la crostoliza ,
 E che se mostra a deo
 Tuto ste liogo ben fodrà de Zuca .
 Via testa mamaluca
 No te gratar la rogna ,
 Quà xe da bulegar , laorar bisogna .
 Vogio dar una bona papolada ,
 E far de Zuche sole una disnada .
 Tioghene una , e fala in boconcini

Che faremo manestra stupendona,
 Un'altra a quarti fichelà in Caldiera ;
Quela cussì zalone
 Metila in forno tutta quanta intiera ,
 E questa in fregolini
 Metila in techia , che cussì pulite
 Ghe xe manestra , lesso , rosto , e frito .
 Oh che consolazion !
 No gh'è megio bocon .
 Che Cuoghi a la Francese ?
 Che piati in desossè ?
 Fè tute ste gran spese ,
 E tossego comprè .
 I Polastrei ve fa veginir la gota ;
 Spendè bezi in Carname ,
 E po ve vien mal putrido :
 I brui ve lassa fame ;
 La roba dolce in bota
 Ve fa nascer i vermi : un altro piato
 Ve fa veginir el flato ;
 Vardei sti crapuloni
 Gnanca de star in piè no i xe più boni .
 I è Lazareti vardei pur vardèli ,
 E'l so tropo magnar li magna eli .
 La Zuca nò che no la fa malani ,
 No la fa gota , no la fa sunanza ,
 La imbalsama la panza ,
 La fa far bela copa ,
 La fa papote grasse ,

La ve prolonga i ani,
E al più zoso a le basse
La cava qualche stopa
Produsendove un po' de cagarella
Che al fin dei fini purga la buela.
Oh benedeta! la manestra è cota,
Xe a l'ordene la lessa e anca la rosta
Gha tutta la so crosta
Quela che i ha messo in techia a volta rota
Donca coremo,
Magnemo,
Sguazemo,
Slapemo,
Crepemo.
Oimei! coss'è stà?
S'un scorzo de Zuca
O santa o baruca
Me son intopà,
So cascà,
M'ho macà,
M'ho sculà,
M'ho mezo copà.
Ahi ahi ahi!
Che scorzi frustai!
I è copa Cristiani ...
Levème su presto ...
A pian fè po' cani ...
Me diol tuto el cesto ...
Meneme a bel belo

A tola in tinelo,
 Che magna la Zuca ...
 Ahi ! ahi ! la mia gnuca ...
 Menème sul leto ...
 Chiamè qualche miedego ..
 So tuto in brueto ..
 Povera Zuca oimè !
 In te la polpa un balsamo ,
 E un velen in tel scorzo ti ti xe .

Nota . Resta avvertito il Lettore , che il Dittirambo della Zucca non è del Pastò , ma le continue ricerche che mai van disgiunte nel commetter questo Libro , ha fatto sì che ve lo abbiamo inserito in questa nuova Edizione , avendo già ottenuto la permissione dall'Autore medesimo .

I L F I N E.

I N D I C E.

DITIRAMBI, E VERSI DITIRAMBICI.

E	<i>El Briulare.</i>	Pag. 4
	<i>La Pusenta.</i>	46
	<i>Lesbin.</i>	99
	<i>El Zubagion.</i>	70
	<i>La Zuca.</i>	128
	<i>Versi ditirambici per Nozze.</i>	94
	S O N E T I .	
	<i>Ritrato dell'Autor.</i>	31
	<i>Ritrato de Cloris.</i>	30
	<i>Ritrato del sig. N.N.</i>	33
	<i>El Nono pianze ... Oh Dio! cossa gai fato?</i>	34
	<i>CANZON, CANZONETTA, E ANACREONTICHE.</i>	
	<i>Ritrato de Nineta fantolina.</i>	34
	<i>Oanzon a Nina adulta.</i>	32
	<i>Maridarve, sì, volè?</i>	35
	<i>Se Venero la Dea.</i>	36
	<i>No xe vero, siori, nò.</i>	37
	<i>L'insonio.</i>	36
	<i>No ghè gnente de più amabile.</i>	37
	<i>Nina mia, son fato vecchio.</i>	92
	<i>Ariana.</i>	104
	<i>Nina te parlo candido.</i>	106
	<i>La Neve.</i>	112
	<i>Bar el medico volè.</i>	116
	<i>Nina stafeta.</i>	64
	M A D R I G A L I .	
	<i>Padre, ve servirò.</i>	69
	<i>Perchè no son poeta.</i>	88
	L E T T E R E .	
	<i>Letera, che compagna un regalo.</i>	42
	<i>Letera ala sig. A. S.</i>	43
	<i>Letera dell'Autor ai so amici.</i>	126
	N O V E L L E .	
	<i>Chi à tempo no aspetta tempo.</i>	44
	<i>Credendo d'esser sala.</i>	45
	<i>I tre spiantai.</i>	66
	<i>Una certa Inzelqua.</i>	79
	<i>El Tornidor.</i>	82
	<i>Una zovene Mugier.</i>	103
	<i>Die vilani tempo fa.</i>	112
	<i>El Pan.</i>	63
	<i>L'omodemondo.</i>	78
	<i>El bordelo del parnaso.</i>	83
	<i>El Marca de Bagnoli.</i>	119
	<i>Spiegazion dele note del Ditirambo.</i>	27
	<i>Picolo vocabolario dei zerghi Veneziani più scuri.</i>	23

Osterreichische Nationalbibliothek



+Z156953308

